




WANTOK



Wan Wik, Julai 14 - 20, 2005 NAMBA 1617 Niuspepa bilong yumi ol PNG stret! K1.00 long Mosbi tasol - Ausait Mosbi K1.30



PES 2: PALAMEN NIUS



PES 3: INFOMEL SEKTA BAI STRONG



PES 25: OKARI I GAT STRONG LONG ORO

Ritim rait man Kanage long pes 22



SKUL KROS

Ol UPNG sumatin kukim ka, laikim nupela rot bilong givim mak na strongpela mausman

OL SUMATIN long Yunivesiti ov Papua Niugini (UPNG) i no go skul klostu wan wik nau na sapos tok i no stret na ol straik yet, bai nogat skul i go yet.

Dispela i bihainim tokpait i kamap namel long ol sumatin na ol bikman bilong UPNG we ol


sumatin i kukim pinis tupela ka bilong yunivesiti.

Wanpela ka bilong vais sansela na narapela bilong besa o akaunten bilong UPNG.

Wanpela motobaik bilong yuni sekyuriti na wilwil blong wanpela sekyuriti wokman em ol

sumatin i kisim na kukim wantaim.

Ritim moa stori long as bilong dispela kros long PES 3 na KOMENTRI - PES 15



**Cargo carriers to Dump Trucks
From 6 to 32 Tonne Payload
Model Range**

FOR MORE INFORMATION CONTACT:

JIM MAXWELL : PH 3229400 FAX 3217200. PORT MORESBY

Email : jmaxwell@elamotors.com.pg

**Ela Motors
TRUCKS**

King of the Road!

Wok maining em bai strongim PNG long 2006

PAPUA Niugini bai gat gupela ripot bilong mani long 2006 we Tresera bai ritim long ol pipel bilong Papua Niugini i harim.

Dispela em toktok bilong Minista bilong Maining Sam Akotai long Tunde dispela wik.

Mista Akotai i tok kantri nau i gat ol gupela wok bilong maining i kamap na dispela em gupela piksa bilong kantri i mekim mani bilong karimaut ol wok bilong en long neks yia na i go.

Em i tok ol maining olsem Hidden Veli long Wau, Morobe provins i kism olgeta tok orait pinis na nau wok i stap long konstraksen level we ol i wok long brukim graun na wokim ol haus na sanapim ol masin na ol kain wok olsem. Taim dispela i pinis bai wok maining i go het.

Em i tok tu olsem Hidden Veli bai kamapim tu ol mineral olsem silva antap long gol we kampani bai kamapim na dispela em gupela ripot long dispela hap maining.

Long sait bilong Ramu Nikel long Madang provins, Mista Akotai i tok long dispela mun bai sampela bikman na kampani long Saina bai kam na stretim ol pepa wok bilong kirapim dispela maining long Kurumbukari long Madang provins.

Olgeta wok redi i kamap pinis na dispela wok tasol em gavman i wetim long kamapim wantaim kampani na gavman bilong Saina.

Minista Akoitai i tok tu olsem nau maining long Kainantu i go het pinis na gavman i lukluk long mekim mani long dispela maining long nau na i go. Bai dispela i bungim antap long wok maining arapela maining kampani i kamapim pinis.

Em i tok Is Nu Briten na Is Sepik provins tu em tupela provins we wok bilong stretim wanbel na tok orait wantaim papagraun na kampani i wok long go het nau long lukim maining i kamap tu long dispela tupela provins. I gat wok painimaut i kamap pinis na ol i luksave pinis long ol mineral bilong kism long tupela provins ya.

Mista Akoitai i tok dispela i soim olsem kantri bai i gat moa mani long neks yia i go na man i bosim mani Bart Philemon bai ritim gupela ripot bilong kantri i mekim mani na ol wok bilong kantri i ron gut i go.

Em i tok tasol long hevi bilong Misima olsem dispela em wanpela bikpela wari tru bikos ol pipel bilong Misima yet i wok long kirapim kain kain kot na holim bikpela taim i stap na kampani i pinisim wok bilong em na kirap i go.

Mista Akotai i tok nogat wanpela man i winim dispela kot. Olgeta lain i lus. Ol pipel bilong Misima yet i wok long kotim ol yet i go i kam i stap na maining i stap pinis.

Em i tok dispela em i mas piksa long olgeta arapela papagraun long noken pulim ol kot nabaut.

Em i salim ol Provins Gavman tu long noken yusim ol royolti mani nabaut long baim ol lam, taunam, wara tenk na ol arapela samting nabaut.

Ol i mas yusim ol royolti mani bilong maning long pulim developmen i go long ol pipel bai ol pipel i ken lukim kaikai bilong royolti mani bilong maining long ples bilong ol. Olgeta taim ol pipel i save tok gavman i no givim ol mani bilong maining. Dispela i no tru bikos Provins Gavman i save kism dispela mani na i no save skelim stret.

Mista Akotai i mekim dispela toktok bihain long Mista Philemon i tokaut long rekot bilong mani na ikonomi bilong kantri i stap olsem wanem tude. Mista Philemon i givim ol gupela ripot long kantri i ron gut tude tasol Mista Akotai i tok bai Mista Philemon bai ritim moa gupela ripot long neks yia taim ol wok bilong maining i kirap.

Pasin nogut kamap bikpela long boda

PASIN bilong salim ol buk na piksa nogut bilong ol pamuk pasin i wok long kamap insait long boda bilong Papua Niugini na Indonesia.

Memba bilong Ambunti Drekikia Tony Aimo i tokaut olsem em i lukim long ai bilong em stret wanpela ami bilong Indonesia i wok long karim ol pamuk buk na kaset raun long boda long salim long ol lain long boda.

Mista Aimo i tok em i no amamas tru long lukim dispela na askim gavman long strongim na taitim sekyuriti lo bilong em long boda long stapim ol dispela kain samting.

Mista Aimo i tok tu olsem em i lukim ol manmeri bilong Papua Niugini i karim ol kago olsem vanilla i go salim long Indonesia bikos long kism gupela prais na olsem em i laikim gavman i stretim gut dispela rot bilong ol pipel i ken salim kago long Indonesia long kism gupela prais long hap.

Em i askim gavman long wanem samting tu gavman i mekim long stretim ol hevi bilong ol ami, rot na bris na ol samting we i no stap gut long hap.

Em i tok long nau yet i gat wanpela lait haus na traipela supamakot i kamap na stap long Wutung ples long boda na olsem gavman i mas save na sapot long kirapim ol wok bisnis namel long ol pipel i ken go het.

Minista bilong Inta Gavman Rilesen Sir Peter Barter i tok long Novemba dispela yia bai gavman bilong Indonesia na PNG i sindaun long boda na toktok long ol wok na samting ol i mas mekim long boda.

Tasol i gat sampela senis olsem rot na bris long boda we gavman i wok long stretim na tu wok bilong stretim rot long boda we i ken bungim Sindaun na Western provins na Indonesia i kamap na i go het yet. Olsem na gavman i mekim wok na bai ol i lukluk gut insait long wok bilong boda long mun Novemba.

Tasol hevi bilong salim ol piksa nogut long boda bai atoriti i lukluk long dispela na mekimsave long ol lain i wok long salim kain samting olsem.

Wenge laikim mani stap hia

GAVANA bilong Morobe Luther Wenge i amamas long harim olsem gavman bilong Somare i daunim dinau bilong kantri i kam daun long mak olsem K7 bilion bihain long gavman i bekim samting olsem K1.4 bilion dinau long ol ovasis dinau kantri i save kism bipo i kam.

Mista Wenge i tok dispela em gupela piksa long mipela i bekim ol dinau bilong kantri i kam daun bikos PNG i noken go het moa na kism dinau long narapela kantri. PNG i mas stop na mekim mani nau long kantri yet.

Mista Wenge i tok PNG i mas lukluk nau long ol samting mipela yet i planim long graun na salim moa i go long ovasis maket na tu

mipela i ken kamapim faktori na masin bilong wokim ol kaikai na salim long ol stua na tu long ol ovasis maket.

Em i tok dispela rekot gavman i kamapim nau long lukautim gut mani na yusim gut long karimaut wok bilong dispela kantri em i gupela piksa bilong kantri i ron long gupela rot i go het. Em i tok strong olsem PNG i noken moa baim planti samting i kam long ovasis moa. Mipela yet i ken mekim mailo, soklet, pinat bata na wanem arapela samting moa yumi save baim long ovasis. Mipela i mas stop nau na mekim ol dispela samting yusim ol samting yumi planim olsem kakao, wel pam na arapela samting yumi yet i save groim long hia.

Nupela ilektoret i bikpela tumas

MEMBA bilong Wosera Gawi Gallus Yumbui i askim gavman long noken westim taim tumas long glasim ol ilektoret baundri bikos kantri i nogat mani long karimaut dispela.

Em i askim sapos gavman i ken lukluk tasol long stretim gut distrik baundri bikos dispela tasol i save soim wanem hap ol sevis na developmen i save go long en long ol pipel. Mista Yumbui i tok elektoret baundri i no makim tru piksa bilong helpim na sevis bai i go long pipel maski gavman i laik kamapim ol nupela ilektoret insait long kantri.

Em i tok kantri nau i sot yet long mani long kamapim ol nupela ilektoret olsem na gavman i mas lusim dispela na stretim gut tasol ol distrik baundri. Em i askim gavman long noken pusim dispela senis long kamap long 2007 nesanel ileksen na mekim i kamap olsem lo nau.

Tasol Minista bilong Inta Gavman Rilesens Sir Peter Barter i tok gavman i no pusim ilektoret Baundris Komisin long pinisim dispela wok bilong glasim ol ilektoret baundri insait long kantri yet.

Sir Peter i tok em i save dispela em bikpela wok tru na bai kos bikpela mani tru long kamapim. Olsem na ol i holim yet ripot bilong dispela komisin. Long dispela as ol nupela ilektoret bai i no inap kamap yet.

Memba sem long sekyuriti sekim bilum

MEMBA bilong Hiron Galp Sasa Zibe i askim Minista bilong Trensport na Sivel Eviesen long putim wanpela masin bilong sekim ol bilum na kago long Nadzab ples balus. Bikos em i no amamas long sekyuriti i sekim ol blus na bek bilong ol pasindia.

Mista Zibe i tok dispela masin bilong glasim ol bilum na hanbek i nogat long Nadzab ples balus olsem na ol sekyuriti i save opim bilum na hanbek bilong ol pasindia na sekim na dispela i no stret tru.

Em i tok dispela kain masin i save stap long Mosbi long Jacksons ples balus olsem na ol i mas putim tu long Nadzab ples balus.

Minista bilong Trensport na Sivel Eviesen Don Polye i tok em bai toktok wantaim Air Niugini na ol atoriti i go pas long lukluk insait long dispela samting.

Tasol wok bilong sekyuriti long ol ples balus i wok long kamap gut nau. Em bai toktok wantaim polis tu long kism sapot bilong sekyuriti long ples balus i kamap gut.

A COLLEGE TO CHANGE YOUR WORLD IN 2005 **YOUR accredited international awards**

Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award.

Diplomas (£150/US\$300/AUS\$360)

- *Accounts, Hotels, Tourism, Computers
- *Business, Management, English, Stores
- *Personnel, Office, Purchasing, Advertising
- *Marketing, Insurance, Secretary, Office

Advanced Diplomas, BBA, BCom, MBA

- *Business, Marketing, Finance, Organization

For a FREE Prospectus/brochure contact:
CAMBRIDGE INTERNATIONAL COLLEGE
 P.O. Box 1378, Southampton, SO17 3WX, Britain
 Web: www.cambridgecollege.co.uk
 email: info@cambridgetraining.com
 Fax: +44 2380 337200

Accredited British Training & Education registered with the National Training Council & Ministry of Labour of Papua New Guinea



Infomel sekta i gat strong

INFOMEL Sekta insait long Papua Niugini i gat strong long kamapim gutpela sindaun na daunim ol hevi bilong pasin pamuk.

Long wankain taim ol henkraf i kamaut bihainim pasin tumbuna bilong yumi long PNG yet i gat namba namel long ol arapela long wol.

Dispela ol toktok i kam long Minista bilong Komyuniti Developmen Dame Carol Kidu taim em i opim Infomel Sekta Skills Ek-

spo long Trinde.

Em i tok taim infomel sekta i sanap gut, em yet olsem minista bai lukluk long banisim gut dispela sekta bai ol meri na ol yut i ken mekim mani bihainim ol gutpela rot na lukluk long salim ol at na henkraf i go ausait long kantri.

Dame Carol i tok sapos infomel sekta i strong, ol bai no inap lukluk long ol paul pasin long kisim mani.

"Mi amamas long lukim ol dispela samting mi yet na mi ken

lukim planti kain kain samting i kamap long han bilong ol pipel bilong yumi yet," em i tok.

Bikpela wok nau i stap long strongim kwaliti bilong wan wan ol samting mipela i laik salim i go aut long ol arapela kantri.

Em i tok PNG i ken kisim liklik skul long ol kantri olsem Thailand we ol infomel sekta samting i gat strong i stat long 1 sta i go inap long 5 sta. Ol samting we ol i kisim 4 na 5 sta em ol samting we ol i save salim ovasis.

"Mi salensim yupela olgeta insait long infomel sekta long muv i go het na gavman bai painim rot bilong banisim yupela na wok yupela i mekim," Dame Carol i tok.

Em i tok tu olsem i gat planti kain toktok long nogat inap wok, tasol em i toktok tasol.

"Ol politisen i ken toktok. Em i wok bilong mipela. Tasol yu insait long infomel sekta i ken mekim samting tru i kamap. Mi ken lukim olsem yupela bai gat strong long bihainim taim," em i tok.

Skul kros

I kam long pes 1

Las wik Fraide, ol sumatin bin givim wanpela petisen o askim pepa we gat 11-pela wari bilong ol i stap wantaim. Long namba wan hap bilong petisen ol sumatin i askim etministresin bilong yuni long rausim dispela rot bilong givim ol mak bilong ol sumatin.

Vais Sansela bilong UPNG Profesa Leslie Eastcott i bekim dispela namba wan petisen long Sarere las wik. Em i tok em i no save senisim mak bilong ol sumatin.

Profesa Eastcott i tok ol mak bilong olgeta sumatin i save kam long opis bilong em long em i ken sekim tasol.

Em i tok UPNG em primia o namba wan yunivesiti bilong Papua Niugini na em i laikim olsem ol digri na diploma bilong greduet i mas i gat as bilong en.

Ol sumatin i tok ol i no amamas long ol bekim ol i kisim long wanem ol i no kisim bekim bilong olgeta hevi bilong ol.

Ol SRC, o ol lain i makim maus bilong ol sumatin i bin bung na stori wantaim Vais Sansela long Sande.

Ol sumatin i no skul stat long Mande. Ol i bin tok ol bai skul sapos ol bikman bilong UPNG i givim bekim bilong olgeta wari bilong ol. Taim i nogat wanpela mausman o bikman bilong UPNG i kamaut na toktok long ol i go inap 11 kilok, ol i go long arere long opis bilong Etministresin na kukim tupela ka na wanpela moto baik na wilwil.

Ol sumatin i raitim narapela petisen gen long Mande long dispela wik na givim long Vais Sansela Profesa Les Eastcott, long ai bilong Metropolitan Komanda na Asisten Komisina bilong polis, Tony Wagambie long 5 kilok apinun.

Vais Sansela Profesa Eastcott wantaim Yunivesiti Stendin Komiti i bin bung long Tunde long belo na givim bekim bilong en long ol sumatin long 1 kilok apinun.

Sansela bilong UPNG Andrew Yauieb i tok yunivesiti kaunsel i lukim pinis olgeta hevi bilong ol sumatin i stap insait petisen.



• Manfred em i wanpela man husat i save salim ol kai kai samting long liklik maket bilong em. Sapos infomel sekta i strong nau, em i tok em bai lukluk long ol arapela samting em i ken mekim na salim. Foto: NICKY BERNARD

Agrikalsa em i rot bilong stretim hevi

BIPO paitman Hilary Masiria na nau memba bilong Bogenvil Otonomes Gavman (ABG) i tok em laik kamap bikpela kopi fama long ailan na i gat planti diwai kopi.

Mista Masiria i bin wokim dispela toktok insait long wanpela bung wantaim Sief Eksekutiv opisa bilong Kopi Industri Koporesen Ricky Mitio taim ol i bruk long dring ti long Gans Kontrol Samit long Goroka we i kamap long wik i go pinis.

Mista Masiria i bin go long

Gans Kontrol Samit wantaim Bogenvil meri lida Theresa Jaintong na narapela bikman long makim ABG na givim toktok bilong ol long dispela bung.

Mista Masiria i bin tok agrikalsa em i bikpela eria we bai givim wok long ol yangpela na ol bai stopim ol long wokim trabel.

Mista Mitio i bin tok em i laik helpim long wok bilong kamapim bek wok mani long Bogenvil na em bai toktok wantaim ol woklain bilong em long Madang o Keravat

bilong givim ol sit i go long Bogenvil na ol i ken stat long planim kopi long ailan.

Long sait bilong gan, Mista Masiria i bin tok kantri i wok long gat planti hevi long ol gan i kam insait long sivil sosaiti bikos ol pipel i no luk-save long ol lida bilong ol.

Em bin tok ol lida i no save toktok wantaim ol pipel long ol kain developmen we i ken helpim ol.

Em bin tok tu olsem Otonomes Gavman em i rot long daunim hevi bilong gan long kantri.



OL ka i paia na ol sumatin i belhat. Tasol mipela i laik save. Ol lain i wok long kukim ol ka em ol wankain lain i winim sans long skul long yunivesiti? Na sapos ol i kukim ka nating, bai yumi sindaun gut taim mipela i save olsem em ol lain husat bai karim kantri long bihainim taim.

MIPELA i tingting go bek long ol lain turangu husat i no inap kisim sans long kam long yuni long wanem ol i nogat inap mani. Maski ol i gat inap save, spes i no inap. Ating sapos ol dispela lain i kisim sans long kam skul long namba wan bikpela skul bilong PNG, ol bai no inap long kukim ol ka nabaut.

TINGTING bilong mipela i go aut long ol lain i bin indai nating long bikpela bom pairap long Inglan. Na yumi hia long PNG olsem wanem? Mipela bai i mas pret o nogat? Ating sapos ol lain teroris i kam raun lukim ol PMV bas bilong Mosbi siti, ol bai no inap bisi long putim bom long en. Ol bai lusim bas i pairap em yet.

LONG wankain taim, yumi gat planti samting i stap we mipela i mas wari long en. Nesenel Agrikalsa Kwoventin Inspeksen Yunit (NAQIA) i tokaut pinis olsem PNG i ken kamap abus bilong ol kain kain nupela sik bilong ol enimol na binatang nabaut. Sapos i gat wanpela bikpela hevi yumi mas lukluk long en na stretim. Em dispela hevi we mipela i nogat inap wasman bilong lukautim olgeta naispela samting insait long kantri bilong yumi.

MIPELA lukim pinis strong bilong ol sik bilong pik na kakaruk. Em i bagarapim tru ol kantri long Esia. Sapos ol lain bilong NAQIA i no stap, mipela bai bagarap pinis.

Sekyuriti sekim beg i no bihainim Mama Lo

Ol sekyuriti gad husat i save sekim ol beg long ol stua i no stret bihainim lo. Loya Michael Wagambie i tokaut long dispela taim em i bekim askim bilong ol NGO na komyuniti beis grup.

Wanpela meri husat long grup i tokaut olsem i bin gat bikpela pait namel long polis na sekyuriti gad long Wewak bihainim long wanpela sekyuriti gad i sekim meri bilong wanpela polisman na tasim kranki skin bilong meri. Em i tok, yumi mas stopim dispela pasin.

Long bekim askim, Nesenel Kondineta bilong Komyuniti Jastis Liesen Unit, Rodney Kameata i tok i gat wanpela sekyuri-

ti bil nau i stap long Pala-men we bai lukim kain pasin bilong sekyuriti sek ap i go daun na Polis Riviu i tok ol i mas stretim.

NCD Komyuniti Polis Kodineta, David Kaurama husat wanpela ol mausman i tok olsem aninit long Lo, ol Polis i gat rait long sekim ol manmeri. Tasol ol polis i no inap sekim nating nating. Sapos ol i saspektim man, ol i ken sekim skin bilong em. Sapos long meri, mipela larim ol polis meri i sekim ol.

Plantu mausman i tokaut long kain pasin nogut ol sekyuriti gad i save mekim taim ol i sekim ol manmeri long dua bilong stua.

Papua Niugini pipel i no save long rait bilong ol

PLANT manmeri insait long Papua Niugini i no save olsem ol i gat rait i stap insait long Mama Lo bilong yumi.

"Sampela i save na i no bihainim em narapela samting," Lady Ilan Los i mekim dispela ol toktok taim em i tok welkam long ol NGO na gavman representiv long wanpela kos long Sivarai Namona, ausait long Pot Mosbi.

Lady Ilan Los i tokaut olsem dispela trening ol kolim, Para-Legal Trening i sut long skulim ol manmeri long komyuniti long rait bilong ol insait long komyuniti we ol inap wok bung wantaim ol ejensi na grup long stretim na daunim sampela hevi long sait bilong lo.

Aninit long het tok bilong Konstitusenel Rait, Lady Los i tok planti

manmeri insait long kantri i no save o klia olsem long arapela lo i stap aninit long Mama Lo olsem na dispela kain trening em sans bilong ol dispela 30-pela manmeri long kisim gutpela save na i go bek skulim na helpim ol pipel bilong ol long ples.

Mista Rodney Kameata, Kodineta bilong Komyuniti Jastis Liaison Unit i tokaut olsem dispela legal trening i sut

long skulim ol NGO, CBO, komyuniti grups long litigesen aninit long seksen 59 bilong Distrik Kot Ekt.

Mista Kameata i tok dispela trening tu sut bihainim ol stia tok i stap insait long Nesenol lo na Jastis Polisi.

Wanpela praivet loya Michael Wagambie, husat i go kisim wanpela topic i tok i gat planti manmeri husat i no save long Konstitusenel Lo, i fan-

damental lo na wanem em kwalifait (qualified rights) rait bilong ol.

Em i tok, dispela ples olsem Oro, Galp na Wes Sepik provins i nogat ol loya na plantio manmeri i painim hat long kisim ol sevis bilong loya long helpim ol long kot kes. Narapela samting tu em, kos o fi bilong baim ol loya i antap tumas na planti manmeri i no gat kain mani long baim ol loya.

Bogenvil kamapim moa kakau

BAI Bogenvil i kisim bek namba em bin holim bipo long hevi long kamap gen olsem top provins long kantri long kamapim kakau.

Long ol ripot we Sief Eksekutiv Opisa bilong Kakau Bot Lauatu Tautea i givim, Bogenvil i wok long kamapim 20,000 tan kakau insait long wanpela yia na dispela mak i go antap moa long dispela yia. Mak bilong kakau we ailan i kamapim insait long 6-pela mun long dispela yia em long 10,775 tan. Na wantaim dispela, Bogenvil bai go bek kisim namba we em i bin

holim pastaim long hevi i bin kamap, Mista Tautea i tok.

Em i tok insait long 6-pela mun long 2004, Bogenvil i bin kamapim 3,500 tan, 7,015 long 2003 na 5,815 long 2002.

Mista Tautea i tok sapos Bogenvil i gat gupela taim bilong san, mak bilong kakau em i kamapim i ken go antap moa.

Em i tok mak bilong kakau we Bogenvil i bin kamapim las yia i pundaun bikos ren i no isi long provins.

Mista Tautea i tok Yunaitet Nesens Developmen Program

(UNDP) kakau rihabilitesen program o program long planim bek kakau we i bin bagarap long hevi i helpim ol kakau fama long ailan husat i hatwok na mak bilong kakau provins i kamapim i go antap.

Long wankain taim tu, Mista Tautea i askim strong ol kakau famap long PNG na Bogenvil long strong long planim kakau long kisim moa mani we bai helpim ol long kamapim gut laip na sindaun bilong ol.

Em i askim tu ol fama long kamapim gupela kwaliti kakau.



Taim bilong soim kalsa!
Ol Nasioi yet bilong Sentrel Bogenvil i laik soim stail bilong ol. *Poto: ALOYSIUS LAUKAI*



• Dispela grup bilong ol Katolik manmeri i makim Bogenvil long selebren bilong Bleset Peter ToRot i kamap long Rakunai, Is Nu Briten provins. Ol i redi long putim kamap tumbuna danis bilong ol. *Poto: ALOYSIUS LAUKAI*

Semoso bai wok strong wantaim ol COE meri

Veronica Hatutasi i raitim

DEPUTI Spika na Meri i makim maus bilong ol meri long Not Bogenvil bai wok wantaim ol meri long Lokel Level Gavman (LLG) o long Bogenvil ol i kolim long Kaunsil ov Eldas (COE) long traime kamapim sampela senis long laip na sindaun bilong ol meri.

Francesca Semoso i bin autim dispela tingting bilong em taim

Wantok i bin bungim em long Buka.

"Antap long ol arapela samting i karamapim ol meri, bai mi strongim wok wantaim ol meri long ol eria olsem karimaut ol aweanes wok long HIV/AIDS.

Bai mi wok long helpim ol meri long ol liklik samting na mi ken wokim dispela taim mi strongim wok long COE level.

"Driman bilong mi em long kirapim opis na

luksave long ol samting we ol meri long konstituensi bilong mi i laikim.

Mi mas glasim na skelim ol samting na kirapim beis bilong mi na bikpela samting em long helpim ol meri i muv fowet long sanap strong long karimaut wok long famili, komyniti na sosaiti. Na tu, long ol meri i kamapim mak bilong ol na helpim long ol wok go het bilong nupela Otonomes Gavman," Mis Semoso i tok.

Musingku na U-Vistrak paulim pipel

I GAT bikpela wari olsem Noah Musingku wantaim U-Vistrak Kwik mani bisnis i wok long paulim planti pipel long Siwai eria long Saut Bogenvil na tu, long ol arapela hap bilong ailan.

Long wankain taim tu, askim i go long polis long Bogenvil sapos ol i ken putim wanpela was long Buka ples balus na Buka bris (wof) long monitaim wokabaut bilong ol ausait pipel i go na i kam long Bogenvil, narapela hap bilong kantri na wol.

Dispela em bikos i kam inap nau, planti sapota bilong U-Vistrak long narapela hap bilong PNG, Australia, Ingran na wol i wok long i go na i kam long balus

long Mosbi i kam olsem long Rabaul na Buka. Na long Buka ples balus, ol lain bilong U-Vistrak i wetim ol na kisim i go long Siwai long strongim bilip olsem U-Vistrak i gat bikpela mani na klostu ol bai peim ol.

I gat wari olsem taim planti pipel long ailan i sapotim nupela Bogenvil Otonomes Gavman (BOG) olsem demokretik gavman ol i kirapim aninit long lo na i gat luksave long PNG Gavman, Yunaitet Nesen na intenesenel komyniti, Mista Musingku na kwik mani bisnis bilong em i wok long tok em i "alternative gavman na beng" o em tu i gavman na beng bilong ol Bogenvil pipel.

Na dispela i paulim tingting bilong planti pipel.

Mista Musingku na U-Vistrak i bin stopim planti pipel long Siwai long noken vot long Otonomes Gavman na ol i no bin eksasaim demokretik rait na frisom bilong ol.

Long ol ripot Wantok i kisim, ol pipel i askim wanem samting bai Otonomes gavman i mekim long kliarim sanap na wok bilong U-Vistrak na Mista Musingku bikos em i wok long kisim ol liklik mani ol pipel i gat wantaim ol gris toktok olsem ol bai kisim bikpela peiaut na planti pipel long Siwai i go insait long ogenesesen bilong em.

ABG mas sevim gut pipel

Aloysius Laukai i raitim

NUPELA Bogenvil Otonomes Gavman (ABG) i kisim salens long inapim ol samting we ol pipel yet i laikim na ol i askim ol long lukluk long en.

Na husat man i stap insait long wok bilong kamapim gut Bogenvil i noken lus tingting na tanim kranki ol samting we i bin kamapim hevi nau Bogenvil i laik stretim.

Dominic Bobake em bipo paitman na i bin lus long ABG jenerel ileksen i

makim loro/Eivo long Sentrel Bogenvil i wokim dispela salens.

Em i tok planti lain i bin stap insait long wok bilong painim gupela sindaun long Bogenvil i karamapim tu ol bipo paitman i bin lus long ileksen tasol maski ol i lus, faundesen bilong gupela sindaun em ol i kirapim pinis.

Em i tok tru, planti no amamas wantaim ol risal bilong ileksen, em i amamas olsem em i mekim kontribusen bilong em.

Olsem na em i singaut long ol memba bilong ABG long go het mekim wok long sevim ol pipel.

makim loro/Eivo long Sentrel Bogenvil i wokim dispela salens.

Em i tok planti lain i bin stap insait long wok bilong painim gupela sindaun long Bogenvil i karamapim tu ol bipo paitman i bin lus long ileksen tasol maski ol i lus, faundesen bilong gupela sindaun em ol i kirapim pinis.

Em i tok tru, planti no amamas wantaim ol risal bilong ileksen, em i amamas olsem em i mekim kontribusen bilong em.

Olsem na em i singaut long ol memba bilong ABG long go het mekim wok long sevim ol pipel.

Rakunai holim bikpela bung

SINGAUT i bin go long ol Katolik pipel long bihainim gutpela piksa bilong Bleset Peter ToRot na strongim famili na marit laip bilong ol.

Bleset Peter ToRot em i namba wan asples matir bilong PNG na Pasifik na long pestode bilong em las Fonde, Katolik sios i bin selebretim 10-pela yia bihain long leit Pop John Paul 2 i bin santuim em.

Moa long 3,000 Katolik pipel i kam long olgeta Katolik Daiosis long PNG i bin bung long asples bilong Bleset Peter ToRot em Rakunai insait long Is Nu Briten na wokim bikpela Misa Lotu long selebretim pestode bilong em las wik Fonde.

Bisop Patrick Taval bilong Rabaul Asdaiosis i bin go pas long Misa lotu.

Bikpela toktok em bin givim, em long strongim famili na marit laip bikos Bleset Peter ToRot em bin strongpela famili man, maski em bin gat bikpela wok olsem Katekis.

Em bin amamas long ol pipel i bin kam long ol wan wan provins tasol wok bung na yuniti namel long ol i bin kamap strong.

Long wankain taim tu, wanblut bilong Bleset Peter ToRot i kamap olsem Oksileri Bisop bilong Kerema Katolik Daiosis long Galp provins.



• OL dispela yangpela Katolik i makim Pot Mosbi Asdaiosis na Bogenvil Daiosis long ol selebren long Rakunai. Foto: ALOYSIUS LAUKAI



• Bisop Patrick Taval i tok amamas long Pater Rockus Tatamai taim ol i harim nius bilong em long kamap Oksileri Bisop bilong Kerema Daiosis. Foto: ALOYSIUS LAUKAI

Hetman bilong Katolik Sios long wol em Pop Benedict 16 i makim Pater Rochus Joseph Tatamai i gat 42 krismas bilong ples Rakunai long kisim dispela wok.

Pater Rochus i bilong kongriksen bilong ol Misinaris bilong Sekret Hat (MSC). Pater Rochus em i kandere bilong Bleset Peter ToRot.

Em i namba wan long 14-pela pikinini long famili. Em bin wokim komyniti na hai skul bilong em long Is Nu Briten yet bipo em i go long Ulapia Seminari skul long 1978. Long

1989, em bin kamap pater na wokim namba wan misa bilong em long matmat bilong Bleset Peter ToRot.

Em bin wok olsem etministreta bilong Sen Mary's katitrel, asisten peris pris long Sen Joseph's Boroko na ektin peris pris long Gerehu.

Em bin stap long Frans long tripela yia we i bin pinisim skul na kam bek long kisim nupela wok bilong em olsem Oksileri bisop bilong Kerema Daiosis.

Kalsa em i strong bilong yumi

... Yumi mas holim strong

RIS kalsa bilong yumi long PNG em i strong bilong yumi tu, Gavana Jenerel Sir Paulias Matane i tok long opening bilong namba 11 Mask Festival long Is Nu Briten long dispela wik.

Emi tok mask kalsa i no stap tasol long PNG na i no long ol arapela hap bilong wol na PNG i mas amamas na luksave olsem dispela em wanpela samting we i bungim ol pipel na strongim yuniti olsem yumi bilong PNG.

Kwin Elizabeth Pak long Rabaul, Is Nu Briten i wokim das long planti manmeri na pikinini i pulap kapsait long lukim namba 10 Mask Festival i wok long kamap nau.

Festival i bin stat long dispela wik Tunde Julai 12 na bai i pinis long Sarere Julai 16.

Rabaul i bin hostim dispela festival long las yia.

Insait long dispela festival, provins i save soim ol kain tumbuna pasin na Is Nu Briten i gat planti gutpela tumbuna samting long soim long wol.

Biknem tumbuna samting we Is Nu Briten i gat nem long en em long Tumbuan bilong Baining pipel.

Dispela em i sikret we ol pipel i gat bikpela luksave na ol tumbuna i save kamaut na putim ol danis samting bilong ol long ol bikpela na spesel de taim ol bikpela samting i kamap.

Long dispela festival tu, ol arapela provins i wok long putim kamap ol tumbuna danis na singsing na ol arapela kalsa samting tu.

Kinavai grup i makim Nu Ailan na Bogenvil, Is Sepik, Wes Nu Briten na Morobe i wok long putim kamap ol tumbuna kalsa bilong ol long dispela so.

Marat laik helpim ol yangpela

NESENEL Palamen memba bilong Rabaul i gat plen long kirapim moa vokesenel skul long provins bilong helpim ol pikinini husat i lusim skul bihain long Gret 8 na 10.

Em i wari long planti pikinini i no go hetim skul na ol i go na stap nating long ples.

Klos binis bai helpim pipel

IS Nu Briten bai gat klos trening senta bilong ol meri.

Is Nu Briten Gavana Leo Dion taim em i sainim agrimen wantaim Dipatmen bilong Tred na Industri na Is Nu Briten Provinsel Gavman i bin tok kirapim klos binis long provins em i wankain long tingting we Is Nu Briten Provinsel Gavman i gat long kamapim ol plen bai mekim ol pipel i go aut na mekim samting long helpim ol yet na i no wetim helpim long kamap long ol.

Gavana Dion i wanbel wantaim tingting bilong Dipatmen ov Tred na Industri na ol gutpela samting we klos binis

bai kamapim long ol pipel na provins na long las yia, provinsel gavman bilong em i bin sponsaim tripela lain long sindaun long klos kos long Mosbi na tu, sponsaim wanpela lain bilong ol long go wokim kos long Fiji.

Em i tok klos projek bai daunim pasin bilong trangu na sot long samting bilong wanem em bai givim wok long ol manmeri, kamapim gut na strongim famili, promotim ol man na meri i gat wankain rait long wok na daunim mak bilong ol klos we kantri i save kisim ol klos long ovasis.

Dispela em i gutpela rot bilong helpim ol manmeri long ples.

Em bin tokaut long ripot we i soim olsem 80 pesen o bikpela mak bilong ol sumatin long provins i no save gat spes na 20 pesen tasol i save skruim skul i go long ol teseri institusen.

Em i tok em plen bilong en em long statim tripela vokesenel skul long givim sans long ol pikinini i ken lainim ol samting we

bai helpim ol long kirapim ol wok na ol liklik bisnis long ples yet.

Nau yet ol vokesinol skul i helpim planti manki husat i no inap go moa long skul long kamap self relaint o husat i lainim samting long kamapim samting em yet.

Moa yet em i helpim ol manki long go bek long ples na kamapim ol gutpela wok.

MEDIA COUNCIL
OF PAPUA NEW GUINEA

POSITION VACANT: ASSISTANT ADMINISTRATION OFFICER.

The Media Council of PNG is looking for a **Assistant Administration Officer** to assist in the work of the Media Council Secretariat.

Are You Interested?

Do you have:

- A Grade 12 certificate
- Strong Secretarial skills
- The ability to type minimum of 50 words p/min.
- Short hand skills
- Strong record keeping skills
- The skills of a good organiser and can be well presented.
- Proven record of secretarial work and administration work.
- A fair knowledge and skills in finance and basic accounting procedures.
- Ability and skills to work as a teamplayer.

If you meet the above requirements and wish to apply, please do the following:

Address your application to:

Media Council of PNG
PO Box 135
Port Moresby
Or deliver it to the Media Council office, Level 1, Deloitte Tower, Port Moresby.

Closing Date: Friday 22nd July 2005.

Singaut long Yali lusim wok

Michael Novingu i raitim

OL lida long Madang i laikim bai Gavana James Yali i lusim wok. Long las wik Trinde, 18-pela presiden bilong ol Lokol Level Gavman insait long Madang taun i givim wanpela toksave i go long Gavana Yali long lusim wok olsem gavana.

Na sapos nogat, bai ol i holim vot i nogat bilip long rausim em.

Ol i givim Mista Yali inap long tude Julai 14 long bekim dispela toksave bilong ol. Spos nogat, ol bai karimaut vot i nogat bilip long em na rausim em.

Dispela petisen i bihainim wanpela wok painimaut na ol i painimaut olsem Mista Yali i bos i bos bilong Madang provins tasol em i no karimaut wok bilong em olsem gavana. Na tu, em i no soim gutpela pasin long bihainim lo na oda insait long provins na kantri we em i gat asua pinis long kot long bekim ol.

dispela asua bifong em.

Siaman bilong Madang Provinsel Asembli Paul Marika i tok ol i wokim gutpela disisen long rausim em na i gutpela bilong 356,000 pipel bilong Madang provins.

Em i tok Madang Etministresen i nogat wanpela wok kamap em i mekim na

i stap nating na ol pipel i no kisim sevis, Mista Marika i tok.

Em i tok Mista Yali i no save kamap long wanpela bung bilong ol.

"Nau yet, mipela i makim Usino Bundi memba long Palamen Peter Yama olsem Gavana bilong Madang. Dispela disisen mipela i mekim em i trupela na i stret na i nogat wok politiks i go insait long en. Na 98 pesen long ol Asembli memba i tok oraitim," Mista Marika i tok.

Madang provins i laikim gutpela lida na i no politisen i no save mekim wok

na i no kisim ol sevis i go long ol pipel.

Mista Yama i amamas long disisen we ol Asembli memba i wokim na em i redi long kisim wok olsem gavana tasol em i luksave long Mista Yali, long gutpela bilong Madang provins.

Long wankain taim tu, Nesenel Kot jas Sir Kubulan Los i givim tok orait long Mista Yali long go long narapela kantri (Malesia) long paitim toktok long wok kamap bilong Ramu Nikel kampani.

Mista Yali i kisim sampela opisa bilong Madang Provinsel Gavman na Etministresen i go wantaim em long narapela kantri tasol em i mas kam bek long PNG long Julai 11 na lusim paspot i go long nesenel kot bilong wanem, em i gat sas long bagarapim yangpela skul meri las yia.

Em i peim K10,000 na wetim kot bilong em i stap.

PNG Red Cross helpim Manam pipel

Michael Novingu i raitim

PNG Red Cross Sosaiti i kam gut wantaim 150 katen katen klina sop na 80 katen sop pauda long helpim ol manmeri bilong Manam i lukautim gut sindaun bilong ol.

Oxfam Nu Silan i bin givim manimak inap long K80,000 bilong baim ol sop samting long helpim ol Manam pipel husat i stap long hevi bikos long bagarap we

maunten paia i kamapim na nau ol i sindaun long kea senta long Bogia.

PNG Red Cross i bin mekim wanpela wok painimaut na lukim olsem sindaun bilong ol Manam kea senta pipel i no gutpela tumas na ol i kamapim tingting long helpim ol wokim ol haus slip insait long senta.

Ol bai statim projek long wokim dispela neks wik.

Long wankain taim, ol pipel bilong tripela komyuniti olsem Kolang, Kuluguma na Dangale husat i stap long Asurumba kea senta i singaut longbg

ol heit atoriti long salim ol wokman bilong ol long i go stap long Asurumba kea senta long lukautim ol long sait bilong sik.

Ol i tok olsem nau yet, i nogat heit opisa i stap long kea senta

na dispela i kamapim bikpela hevi taim long taim ol manmeri na pikinini i sik na ol i wokabaut i go longwe long long Malala heit senta we i stap klostu 10-pela kilomita longwe long Asurumba kea senta.

Komyuniit lida na kukurai bilong ples Dangale Mark Aurong i tokim Wantok Nius olsem aninit long intenesenel lo bilong lukautim ol manmeri taim ol i kisim bagarap, long disasta, i mas gat gavman opisa i stap long kea senta bilong lukautim ol.

Em i tok moa olsem Madang Gavman i feil long karimaut wok bilong ol na i singaut i go long ol i putim wanpela gavman opisa long Asurumba kea senta long lukautim ol na bringim ol gavman sevis i go long ol Manam pipel i stap long ol kea senta.

Haves Ministri givim Bahasa kos

NAINTI (90) yanpela pipel long Lae i bin greduet las wik na kisim setifiket long Bahasa Indonesia tokples bihain long ol i pinisim tupela mun kos.

Wanpela Kristen lotu ministri long Lae ol i kolim long Asia Pasifik Havest Ministri i bin go pas long ranim dispela kos.

As tingting bilong karimaut skul long dispela kos em long givim driman o visen long ol yut na taim ol i go mekim wok ministri long Indonesia, em bai isi long ol.

Na sapos ol i laik skruim save long ol Yunivesiti bilong Indonesia, em bai mekim isi long ol.

Man i lukautim sait bilong

edukesen na kalsa wantaim Embasi bilong Indonesia Dokta Johannes Esomar i bin tok amamas long dispela Kristen ministri we i karimaut bikpela wok em i mekim long strongim wok pren na kalsa namel long tupela kantri.

Mista Esomar i tok Embasi bilong Indonesia bai makim sampela long ol dispela sumatin husat i greduet long skruim save long Bahasa Indonesia long ol Yunivesiti bilong ol.

Prinsipel bilong Asia Haves Ministri Fabian Peter i tok ministri bilong em i no helpim long spiritual sait tasol long putim ol yut long ol ektiviti o wok we bai helpim ol.

Well Wimen na Habitat kisim helpim long Inta Oil

KLINIK bilong ol meri long Lae na Yunitek Habitet Fores i kisim helpim long K10,000 i kam long Inta Oil kampani long dispela wik.

Wan wan long tupela ogenaisesen bai kisim K5,000.

Inta Oil i wokim dispela olsem helpim bilong em i go long ol sevis ogenaisesen insait long Lae siti.

Inta Oil Prodak Jenerel Menesa Peter Diezmann i tok kampani i bin laik givim bek helpim i go long komyuniti na olsem em i givim dispela helpim mani long wanem tupela ogenaisesen i save mekim bikpela wok long sevim komyuniti.

Sister Freda Makanda i makim Well Wimen's klinik na

Pro Vais sansela Wilson Toviria i makim Habitat Fores na kisim sekmani i kam long Mista Diezmann.

Tupela i bin givim tok tenkyu i go long Inta Oil long helpim we em i wok long givim long ol sevis ogenaisesen long sampela yia nau na oli lukluk long moa sapot long bihaintaim..



Bung long skelim helpim...

VOLANTARI Sevis Ovasis Papua Niugini (VSO PNG) i bin kamapim wanpela tripela de bung long Madang long stat bilong dispela mun. Moa long 30 VSO volantia husat i wok nabaut long PNG i bin kamap. Ol dispela volantia i kam long Yunaitet Kingdom, Netherlands, Canada, Kenya, India na Filipins. Ol i wok insait long 4-pela progrem bilong VSO PNG i karamapim edukesen, disability, gavanens na patisipesen, na HIV AIDS.

Foto: VSO PNG

Ol meri Kainantu givim petisen long Polis Minista

James Kila i raitim

OL meri Kainantu i bin wokim bikpela protes na givim petisen long Intenel Sekyuriti Minista bilong soim strongpela no laik bilong ol long raskol pasin i kamap bikpela long Kainantu.

Ol i laikim tu wanpela Mobail task fos i mas stap long Kainantu na wanpela ka i wokim patrol olgeta taim long Barola Hil na stretim Kainantu Polis Bareks.

Hailans Haiwe hap rot i go olsem long Kainantu i bin pas long ol ka long moa long wanpela awa taim ol meri long Kainantu i putim blekpela klos, penim bodi wantaim tais na pes wantaim blekpela sakol.

Meri lida na mama bilong Kainantu Lina Babes i bin tok blek i mak bilong krai long ol reip o bagarapim meri pasin we i save kaamp olgeta taim long Kainantu na Barola Hil em ples we i gat

nem nogut bilong ol raskol.

Ol meri i bin krai wantaim taim ol i wokim mas na givim petisen i go long Polis Mminista Bire Kimisopa na Polis Komisina Sam Inguba.

Ol lida husat i bin stap long dispela taim olsem memba bilong Okapa Tom Amukele, memba bilong Daulo Ben Kiagi na Isten Hailans Provinseel Polis Komanda Philip Solata i bin gat aiwara taim ol meri i stori long ol ekspirians bilong ol wantaim ol raskol long Kainantu.

Mista Amukele i bin krai wantaim taim em i toktok long ol meri.

"Mi sem long sanap long ai bilong ol susa bilong mi na toktok. Mipela ol man tude i no ekt o mekim olsem ol man tasol mipela i ekt olsem ol animal long reipim o bagarapim ol mama i kamapim mipela long dispela graun," Mista Amukele i bin tok.

Ol meri Kainantu i bin wokim dispela protes mas

long egensim wanpela reip pasin i bin kamap tupela wik i go pinis we ol raskol i bin reipim wanpela mama na pikinini meri taim ol i holim gan long papa na i sanap lukluk tasol i no inap long wokim wanpela samting.

Ol meri i bin holim ol hap pepa i gat ol toktok olsem "Stopim Reip long Kainantu", "Inap em inap, "Yupela i gat mama na susa na "Watpo yupela reipim mipela ol mama"?

Ol meri i bin gat ol toktok long ol hap pepa wantaim tok sut long Isten Hailans Gavana Malcolm Smith Kela husat ol i tok i no inapim tok promis bilong em long helpim ol polis i daunim raskol pasin long Kainantu. "Bai mipela i lukim Gavana na Kainantu memba long 2007.

Taim Mista Kimisopa i kisim petisen bilong ol meir Kainantu, em bin tok em bai harim krai bilong ol taim em i stap olsem Polis Minista.



• Intenel Sekyuriti Minista Bire Kimisopa i kisim petisen bilong ol mama.



• Ol mama bilong Kainantu mama i autim belhevi bilong ol.

Turisim wokso long Tari

Timon Henry i raitim

WANPELA wokso i bin kamap long ples Hoyaba insait long Tebi Lokol Level Gavman Kaunsol Wod long Tari, Sauten Hailans provins.

Turisim Promosen Atoriti (TPA) i bin holim wokso long tupela de long Tari bilong na lonsim progrem bilong ol we moa long 3,000 pipel bilong Hela i bin witnessim.

Ol wokman bilong TPA i bin tokim ol lida long wan wan eria olsem ol i mas wok bung wantaim long promotim kaisa bilong ol.

Interim Siaman bilong TPA Joseph Warai i bin tok Hela i gat ol planti naispela samting we ol turis i ken go na lukim long em olsem naispela wara, hul long ston na ol arapela samting moa we i ken pulim planti turis i go long en.

Liklik manki holim gan long bikpela pait

James Kila i raitim

WANPELA Isten Hailans manki i gat 12-pela krismas i holim wanpela strongpela pistol ol i wokim long Amerika.

Ripot i tok dispela manki i stap insait long wanpela pait namel long ol Fomu na Ailfos insait long Kainantu long Isten Hailans provins.

Em i wanpela long ol yangpela yangpela man i stap insait long wanpela pait na ol i holim ol strongpela gan olsem AK47, M16 na SLR na ol liklik hanbom long pait namel long ol yet. Pait i bin bruk wanpela mun i go pinis long kros bilong graun.

Sampela misinari bilong narapela kantri em i no laikim nem bilong em i

kamap long niuspepa i bin tokim ol niusman na Gan Kontrol Samit memba John Toguata long bung bilong ol long Goroka long wik i go pinis.

"Em i liklik manki tasol em i gat dispela strongpela pistol ol i wokim long Amerika. We em i kisim dispela gan i samting we nogat lain i save long em," misinari i tok.

Plantu toktok i bin kamap insait long Gan Kontrol Komiti Samit olsem hevi i kamap nau long wanem planti ol gan i kamap pinis long ol ples longwe na ol yangpela man i kamap olsem ol "war lord" ol bikman bilong pait husat i holim ol gan na kamapim birua long gutpela sindaun bilong komyuniti.

Mama bungim hevi long Tari taun

Timon Henry i raitim

WANPELA mama i bin bungim hevi taim ol man i bin pulim bilum bilong em i gat K660 samting insait long en.

Dispela mama i tok em i laik wokabaut i go antap long rivaivel senta long Yalupa insait long Tari distrik yet, na em i no ting ol bai mekim dispela kain pasin long em bilong wanem em i ting em i wan-

pela mama na ol i no inap mekim.

Em i tok tu olsem dispela birua em ol manki long taun husat i save stap sekyuriti long ol wan wan bisnis manmeri i bin pulim mariwana na spak tulait i stap na ol i mekim dispela kain pasin long em.

Man husat i pulim bilum bilong em i bin ronawe i go insait long bus. Ripot i kam long Wantok Niuspepa olsem ol mama i laikim bai

ol polis man i mas ron long taun na rausim o holim ol dispela yangpela man i save mekim bikhet pasin i go long kalabus.

"Pasin bilong dring i go inap tulait i bruk i save mekim na ol i save painim mani raun na nogat nau, ol i save pulim bilum bilong ol meri na bagarapim sindaun bilong ol pablik seven na ol gutpela manmeri insait long Tari taun," dispela mama i tokim Wantok.

TOYOTA COASTER BUS

MOST POPULAR PMV BUS IN PNG

**3.7 litre Diesel engine
Spacious Seating for
25 Passengers**



FOR ENQUIRIES CONTACT

**PH 3229400
FAX 3217268**

Email : mhim@elamotors.com.pg



TOYOTA TSUSHO (PNG) LTD.

Raun lukluk long ol meri na pikinini



Tripela Alotau Elementeri skul pikinini i amamas long skul *Poto: CIMC*



Naispela hap bilong kisim win namel long ol naispela purpur samting na kaikai lans.

Poto: CIMC



Ekting pilai we meri i gat sik AIDS na dai na ol poro bilong em i sori krai long em. *Poto: Veronica Hatutasi*



Ol pikinini meri i ektim pilai na tokaut long rait bilong ol meri. *Poto: Veronica Hatutasi*

Fo Skwea bung bilong ol mama

FAMILI, HIV/AIDS na luk-save long Bikpela Jisas em tripela long ol bikpela samting we ol meri bilong Fo Skwea sios long kantri i bin lukluk long en insait long wanpela wik bung bilong ol long Mosbi.

Moa long 2,000 Fo Skwea Sios meri i kam long olgeta hap bilong PNG na stap insait long konfrens o bung bilong ol

i bin kamap long Kaugere, Nesenel Kapitel Distrik na i bin pinis las wik Fraide.

Planti yangpela meri, ol mama, ol bikpela meri na sampela lapun mama tu i bin stap long bung.

Merisa Auko i wanpela mama na i gat tripela pikinini bilong ples Segu klostu long Goroka taun insait long Isten Hailans. Em i amamas long

lainim planti samting insait long dispela bung.

Merisa em i Vais presiden bilong Segu Fo Skwea Sios na em i stap mekim dispela wok inap long 9-pela yia olgeta.

Em i save stap insait long ol bikpela bung olsem we ol i save kamapim bihain long tupela yia.

Ol i no save bung long wanpela hap tasol, nogat. Ol i save bung long wan wan long ol 4-pela rijen bilong kantri.

"Long dispela konferens, mi lainim planti samting long lukautim gut famili na ol pikinini.

Mi lainim gutpela sindaun insait long famili na long skulim ol pikinini long gutpela Kristen pasin. Na tu long lukautim maus bilong mipela, moa yet, ol mama.

Planti taim mipela ol mama i save kros kwiktam long ol pikinini tasol mipela i no harim gut sait bilong ol.

Mi lainim planti samting long kamap gutpela mama na long skelim gut ol samting pastaim long mi tromoi toktok," Merisa i tok.

Ol mama na meri bin kisim ol toktok long sik HIV/AIDS na tu, ol bin harim stori bilong wanpela meri i stap wantaim dispela sik i go toktok long ol.

Merisa i bin tok meri ya bilong Westen provins i bin salensim ol mama long lukautim gut ol pikinini na givim ol gutpela stia tok long ol.

Em bin tok planti yangpela meri i sot long ol samting na long inapim ol dispela, ol i save raun painim ol rot olsem salim

ol yet long kisim mani na baim ol samting ol i laikim.

Na dispela i putim ol long kain hevi olsem kisim dispela sik HIV/AIDS.

Wanpela arapela bikpela samting we ol mama i bin harim na amamas tru long kisim save long en em rait bilong ol meri.

"Long pasin kastom bilong PNG, ol meri i stap aninit long ol man tasol long dispela bung, mipela i amamas tru long harim olsem mipela ol meri i gat namba na strong long wokim ol samting olsem tasol ol man.

Wanpela ges spika bilong Amerika i bin toktok long dispela na mipela i kisim strong na amamas tru," Merisa i tok.

Ol yangpela, bikpela meri na ol lapun i bin baim rot bilong ol na kam long olgeta provins long stap insait long dispela bikpela bung bilong ol Fo Skwea meri long kantri.

Moa long 1,000 meri i bin kam long Isten Hailans, em namba wan ples we dispela sios i bin kirapim wok bilong em.

Merisa i tok ol mama na meri i strong long stap long ol kain bung bikos ol i sea wantaim, kisim strong na save long wok na tok bilong Bikpela, famili na wok bilong ol mama.

Ol i laik save tu long ol bikpela samting wantaim ol nupela senis i kamap long sosaiti, kantri, wol na sios.

Merisa i tok ol bin amamas wokim poroman wantaim ol meri bilong ol narapela provins na senisim ol presen wantaim ol.

Lo bilong Lukautim ol Meri



Raits bilong ol meri

PLANTI grasrut mama i no klia long rait bilong ol. Nau Meri Wantok bai putim daun long hia na ol meri i ken klia.

Ol rait bilong olgeta manmeri long dispela graun em i wankain tasol. Dispela i min olsem olgeta man, meri na pikinini meri i gat wan kain rait.

Tasol insait long ol ples bilong yumi, ol mama na ol pikinini meri i nogat dispela rait. Namba wan samting long mekim em long luksave long dispela hevi na noken bagarapim sindaun bilong ol mama na ol pikinini meri.

Moa long neks wik. Ol toktok i kam long liklik buk, "Women's Rights"

Sotpela Tok Lukaut

Skruiim HIV tok i kam long las wik

OL PIPEL wantaim binatang bilong sik AIDS i save pilim olsem ol i nogat poroman. Tasol sapos yu gat binatang bilong AIDS. Tingim, yu no stap yu yet. i gat planti arapela pipel moa wantaim sik ya. Sapos yu save long wanpela man o meri i gat sik AIDS, stap na stori wantaim ol na ol bai pilim amamas.

Ol lain wantaim AIDS i save pret long planti samting. Olsem long pen, lusim wok, narapela i save ol i gat binatang long AIDS, lusim ol pikinini bilong ol na dai.

Tru, bikpela pret i stap long ol manmeri i gat binatang bilong AIDS tasol bai yu lusim pret pasin sapos yu toktok long sampela lain i luksave long yu gat sik tasol bai sindaun toktok gut wantaim yu. Sampela taim, yu bai wari nating long ol samting we yu i noken pret long em. Wanpela piksa em sampela lain bai laik sapotim na helpim yu taim ol i painim olsem yu gat binatang bilong sik AIDS.



• Margaret na Merisa Auko i sanap wantaim hanmak bilum bilong ol Segu Fo Skwea meri insait long Isten Hailans provins. Provins i bin gat moa long 1,000 meri long Nesenel Konferens i bin kamap long Mosbi las wik. *Poto: Veronica Hatutasi*

Kuk Kona wantaim MERI WANTOK

Pamkin Keik

Yu mas i gat:

- Hap kap majarin o bata
- 1 na hap kap braun suga
- 2 na hap kap self resing plaua
- Hap tispun sol
- Kwata tispun kawawar, natmeg o sinamon
- 3-pela kiau
- 1-pela kap kol mes pamkin o we i kuk na yu mekim i go malumalu
- Milk o susu

Rot bilong Kukim:

- 1- Miksim bata na suga
- 2- Putim ol kiau i go insait na miksim gut
- 3- Putim ol spais i go insait wantaim pamkin. Miksim ol.
- 4- Putim plaua na sol na miksim gut
- 5- Miksim i go inap olgeta i miks gut tru na i nogat ol solap nabaut i stap.
- 6- Putim ol samting we yu miksim gut pinis i go insait long trei we yu mas putim bata o wel long en pinis.
- 7- Beikim insait long hotpela aven we mak bilong hot em yu tanim long 350 digri inap long 35 minit.

TOKTOK NATING Wantaim Fr. Paul Liwun SVD



SAMPELA wik i go pinis, wanpela arapela niuspepa i bin raitim ripot long autim bel kros bilong wanpela memba bilong palamen long edukesen sistem insait long PNG. Em i bin autim bel kros bilong em olsem planti skul i nogat strongpela skul na ol sumatin i save hambak tumas. Hambak pasin o nogat gutpela pasin, i no stap long skul tasol. Nogat. Planti pablik seven tu i nogat gutpela pasin bilong ol. Ol i no save kamap long taiming, o sampela i save lusim opis bilong ol na raun raun nating tasol. Olsem na dispela memba bilong palamen i mekim wanpela strongpela singaut long putim strongpela rot bilong skulim ol sumatin long skul nau, bai ol i kamap gutpela manmeri long bihain taim.

Dispela belkros bilong memba bilong palamen i mekim mi tingim bek long wanpela stori bilong Brian Cavanaugh, TOR. Stori bilong em i go olsem:

I no longpela taim bihain long wanpela tes, wanpela sumatin em i bin toktok long wanpela sumatin long wanpela skul. Em i bin askim dispela sumatin, olsem wanem risal bilong tes bilong em. Em i bin bekim gutpela tes long olgeta sabjek o nogat.

Na sumatin i bin tokim em olsem, long olgeta sabjek em i bin mekim tes, wanpela sabjek tasol em i pilim hat liklik. Em i no save klia, bai em inap long kisim gutpela mak o pas long dispela sabjek o nogat. Na sumatin i tokim Brian olsem: "I luk olsem mi mas stadi hat moa long dispela sabjek nau mi no pilim amamas long tes bilong mi, bai neks taim mi inap long kisim gutpela mak long dispela sabjek".

Brian i bin askim em olsem, "nau yu save klia moa long olgeta sabjek yu bin stadi na redi long tes o askim bilong narapela sabjek i no hat tumas olsem dispela sabjek nau yu pilim hat long bekim?"

Sumatin i bekim: "Ya, i luk olsem nau mi kisim save moa long dispela sabjek mi pilim hat long en. Tasol bilong wanem em i kamap olsem hat tumas long mi long bekim?"

Long helpim dispela sumatin long luksave klia moa, Brian i bin yusim dispela tok piksa long helpim em. Brian i bin askim em, "yu bin sapim wanpela naip o nogat?"

"Ya, mi bin sampim em. Papa bilong mi i bin lanim mi taim mipela i go piknik long nambis."

Na Brian i tok: "taim yu sapim naip, yu bin yusim wanpela towel o wanpela ston pail?"

Sumatin i pilim fani na lap long dispela askim na em i tok: "Wanem? Yu bai i no inap sapim wanpela naip wantaim wanpela tawel. I no inap tru!"

"Em i tru", Brian i bekim em. Mi bai i no yusim tawel long sapim wanpela naip. Naip bai inap kamap sap sapos yu sapim em wantaim wanpela samting i gat strongpela baksait bilong en. Long dispela as, naip bai kamap sap na inap long katim wanem samting mi laik katim.

Brian Cavanaugh bekim sumatin

Em i mekim tok moa olsem: Yumi bai i no inap "sapim" sumatin na pikinini wantaim Tawel. Nogat tru. Ol bai kamap sap sapos tisa na papa mama i yusim strongpela ston o sapena long sapim ol. Long dispela we, ol bai kamap sap long mekim kain kain gutpela wok long laip bilong ol.



"YUMI MAS WOKABAUT LONG LAIT"

Yupela i mas lukaut gut, nogut yupela i bihainim ol rabis toktok nating bilong ol man i laik pulim yupela i go mekim ol dispela pasin nogut. Em ol dispela kain pasin tasol i save mekim God i belhat long ol man bilong sakim tok bilong em. Olsem na yupela i no ken poroman wantaim ol dispela kain man. Bipo yupela i stap long tudak, tasol nau Bikpela i putim yupela i stap long lait. Olsem na yupela i mas wok-abaut olsem ol manmeri bilong lait. Lait em i save kamapim olgeta kain gutpela pasin na stretpela pasin na pasin bilong tok tru. Yupela i mas trai long kisim save long ol pasin Bikpela i save laikim. Yupela i no ken poroman wantaim ol man i save mekim pasin bilong tudak. Kain pasin olsem em i no save karim gutpela kaikai. Nogat. Mobeta yupela i mas soim ol man olsem, dispela kain pasin em i nogut. Mi no ken tokaut long ol pasin ol i save hait na mekim. Nogat. Mi sem long toktok long ol dispela kain samting. Tasol lait i save kamapim as bilong olgeta pasin na mekim ol i stap ples klia. Na taimait i mekim wanpela samting i stap ples klia, orait dispela samting tu i kamap olsem lait. Olsem na dispela tok i stap. "Yu man nau yu slip, yu mas kirap. Yu kirap long matnat na Krai bai i givim lait long yu."

EFESUS 5: 6-14

Strongim wok bilong Bikpela



• REVEREN Cherrie Campbell i givim seti-fiket long wanpela gre-duet bilong pasto trening skul long Aero, Wakunai long Bogenvil. Foto: Aloysius Laukai

Susa sios long Australia helpim PNG

YUNAITET Sios long PNG i kisim helpim nau long susa sios bilong em long Australia bilong sanapim na strongim bek Tiolojikel Koles we ol Pasto, Bisop na sios wok manmeri save kisim trening long em.

Rarongo Tiolojikel Koles (RTC) i stap long Is Nu Briten provins na long longpela taim nau, planti biknem sios lida long PNG, Solomon Ailan, Fiji, Samoa na ol arapela hap bilong Pasifik i kisim trening bilong ol long Rarongo.

Bihainim "Think Big Start Small" program we sios i bin lonsim long dispela yia, 21 volan-

tia bilong Yunaitet Sios long Sidni, Australia i bin kam kamap long PNG long wiken i go pinis, ol bin skruim wokabaut bilong ol i go long Is Nu Briten bilong kirapim wok mentenens long ol bilding insait long RTC.

Grup ya i gat ol yangpela man na meri voluntia husat i gat bikpela laik long helpim kamapim gut kolis we long planti yia i lukim olsem ol bilding bilong em i wok long go bagarap na ol i mas karimaut ol wok mentenens long ol.

Ol pipia bilong maunten paia i wok long bagarapim ol haus tasol sios i painim hevi long mani na ol susa sios long Australia i

givim ol helpim nau.

Planti long ol dispela voluntia em ol pikinini bilong ol Yunaitet Sios pasto na bisop bilong Australia tasol ol bin wok long PNG bipo.

Seketeri bilong Yunaitet Sios Asembli Reveren Suilangi Kavora i tok Yunaitet Sios long Australia i bin wokim fan resing na nau ol sampela sios voluntia i kam long givim helpim bilong karimaut ol wok mentenens long Rarongo.

Narapela grup bai kam kamap long neks Sande Julai 17 na laspela grup bai kamap long neks mun. Dispela grup i bilong Brisbane Yunaitet Sios.

Laspela grup bai kamap long PNG long mun Ogas.

Wanpela voluntia grup bilong George Brown Memorial Sios long Gerehu i stap tu long hap na karimaut ol wok mentenens wok long RTC.

Strongpela askim i go nau long ol Yunaitet Sios memba long kantri long givim K1.00 kontribusen bilong ol long helpim wantaim dispela mentenens wok long sios bilong ol.

Dispela namba wan grup i bin kisim bikpela tok welkam taim ol bin k r u n g u t i m Jackson's ples balus long Pot Mosbi taim balus i pundaun las wik Sande.

Salens long luksave long Tok

MOA long 100 yut husat i bin stap insait long bikpela bung felosip long Madang i bin kisim strongpela askim long luksave na holim strong Tok bilong God.

Pasto Kumoto Salum bilong Gospel Laithaus Sios i bin salensim ol yut husat i bin stap long bung long Angliken Sios long Madang insait long felosip bung bilong ol we ol i save kamapim long wan wan taim insait long wan wan mun. Insait long bung, ol i save givim tingting, pre na helpim ol yet long strongim spirit, tingting, komyuniti na sindaun bilong ol insait long ol arapela hap.

Em bin tokim ol yut olsem "Tok bilong God" em i bikpela samting na ol i mas kisim, harim na stadim bikos dispela Tok bai lukautim ol.

Em bin tokim ol yut olsem taim ol i stap long hevi, ol i mas kisim i go long Tok bilong God na Tok bai stretim ol.

Em bin tok sapos ol i gat Tok bilong God insait long laip bilong ol, em bai helpim long stretim hevi ol i bungim long laip na sindaun bilong ol na spirit bilong ol tu bai kamap laip.

Caritas PNG pinisim 8-pela wik trening



• Ol lain i bin sindaun long CPNG woksop long Madang. Foto: Cathy Bolinga- CPNG

CARITAS PNG (CPNG) i bin pinisim 8-pela wik Nesanel Integrel Humen Developmen kos bilong em las wik we i lukim 42 manmeri i kisim pepa long en.

Kos i bin kamap long Alexishafen Konfrens Senta long Madang.

Opis bilong CPNG long Pot Mosbi i tok dispela kos i bin gat bikpela tingting long givim trening i go long ol komyuniti developmen woklain bilong skruim save long sait bilong sosel jastis, pis bilding o wok long kamapim gutpela sindaun.

Ol i bin kam long 4-pela rijen bilong kantri olsem Hailans, Momase, Sauten na Niugini Ailans rijen long sindaun insait long dispela woksop.

Planti bilong ol em ol Caritas Kodineta insait long ol Dalosis na ol bin kam long olgeta hap bilong kantri.

Caritas i bilip strong olsem PNG i mas gat ol manmeri i strong long karimaut gut wok bilong ol husat i gat gutpela trening long ol wok insait long komyuniti bilong mekim ol pipel i wok kwiktait na ol dispela husat bai i kamap olsem ol rol model.

Long de bilong pasim woksop, bipo Bogenvil gavana na longpela taim memba bilong Palamen John Momis i bin tok amamas long CPNG long givim trening i go long planti lain bilong PNG na ol i ken go pas long wok developmen bilong em.

CPNG i bin laki long gat sampela bikman husat i bin givim sampela toktok long dispela kos. Sampela long ol dispela em bipo Sief Jastis Sir Arnold Amet, Profesa John Nonggor na planti arapela bikpela save manmeri.

Kos i bin stat long Mei 5 na i pinis long Jun 25.

**Glasm Tok
wantaim
Bisop Peter Fox**



**Birua i no
luksave long
husat i gutpela
o nogut man**

TAIM ol manmeri i kisim andagraun bas long London bilong go long wok las wiken, ol i no bin save olsem ol teroris i wetim ol. Foapela bom i bin pairap namel long 8 na 9 kilok moning na i bagarapim laip bilong ol. Planti handret i bin kisim bagarap na moa long 50 pipel i bin dai.

Ol lain i dai na kisim bagarap i no bin wokim wanpela samting long kirapim bel bilong ol lain i kilim dai ol. Ol bin stap long rong hap long rong taim na dai long han bilong ol lain we ol i no save bungim ol bipo.

Ol bikpela birua olsem we i save kamap hariap i soim yumi olsem laip i sot.

Ol i ken stilim laip bilong yumi bikos yumi stap long rong ples na long rong taim. Na dai long han bilong lain we yumi no bungim bipo.

Yumi no save olsem yumi ken pundaun long han bilong bom bilong teroris o katres, naip bilong raskol na katres we i flai krarki. 500 pipel i bilip olsem dispela em de olsem ol narapela tasol na ol i bin lusim haus bilong ol long go long wok las wik Fonde tasol kam belo taim, laip bilong ol i bagarap.

Long PNG, yumi no save tumas long politikel terorisim, tasol yumi save long vilens o pasin bilong pait. Ol man yumi no save long ol i save poinim gan long yumi planti taim.

Ol i pretim yumi wantaim naip. Ol i save bagarapim ol meri na pikinini meri, planti pikinini i dai long ol pait namel long ol wan pisin na wan tokples grup.

Yumi no save stap long gutpela komyuniti taim ol raskol i mekim yumi i putim pret pasin long ol strit bilong yumi insait long siti.

Ol bikpela bagarap i kamap na yumi lukim long London i soim yumi olsem laip i sot, tasol i bin gat ol narapela samting we yumi lainim tu.

Yumi ken lainim long ol medikel na ambulans draiva, ol polis na ol man i helpim long sevim na lukautim publik.

Skul mipela i kisim i soim yumi olsem sampela taim yumi mas putim wok bilong yumi long helpim ol narapela pastaim long yumi tingim yumi yet.

Yumi ken lainim samting long ol manmeri nating long London husat i bin go bek long wok long neks de, long ol bas na ol bas draiva husat i bin go bek long wok na Trenspot sistem bilong London i bin wok bek bihain tasol ol bom pairap na bagarap i kamap.

Kain strong we ol manmeri nating i soim na strong bilong ol long go het long laip maski ol i pret i toksave long ol man nogut o lain i kamapim birua long kilim dai planti pipel na ol raskol olsem 'Dispela em siti bilong mipela.'

Mipela i no inap larim yupela i kisim siti bilong mipela."

**Mada Teresa
Senta bai kamap**

MADA Teresa bai pulim moa sapot na luksave taim ol i kirapim wanpela senta long lukautim olgeta samting we i sut long laip na wok bilong em.

Nem bilong senta em Mada Teresa bilong Kalkata Senta we ol bai kirapim long NuYok, Amerika.

Misinaris ov Sariti kongriksen bilong leit Katolik Sister husat i bin kisim bikpela luk-

save na nem long lukautim ol turangu manmeri na pikinini long Kalkata, India i tokaut long dispela samting.

Ol i kirapim senta long promotim strongpela prea long Mada Teresa na save long laip, wok, santu pasin na ol toktok bilong em.

Ripot i tok taim dispela senta i ron gut, em bai lukautim ol samting bilong Santu Mada i stap long Kalkata,

India, Tijuana, Meksiko, Rom na Amerika.

Bai senta i no inap long wokim winmani tasol em i wanpela we i no save kisim winmani we bai i kamap olsem atoriti bilong bungim na lukautim ol samting Mada Teresa i raitim na ol tru tru infomesen long laip na ol wok em i bin mekim.

Senta bai kamapim tu na tilim ol buk bilong beten we ol i tanim long planti tokples.



Mada Teresa bilong Calcutta.

**Raun bilong ol PNG
bisop pulim tingting**

BIKPELA tingting i bin kamap long PNG na Solomon Ailan taim 25 Katolik Bisop bilong tupela kantri i bin stap long wok-about bilong ol long Rom long bungim Santu Papa, Pop Benedict 16. Na long givim ripot bilong sios long ol wan wan daisosis na tu, raun lukim na toktok wantaim ol Dipatmen long Vatikan olsem Ekumenisim, Helt, Sosel Jastis na Liteji.

Lawrence Stephens em Jenerel Seketeri bilong Katolik Bisops Konferens long PNG na Solomon Ailan i bin raun i go wantaim ol bisop long Jun 10 inap long de namba 25 long "Ad Limina" bung bilong ol i stori. Long dispela wokabout, ol bisop i bin kisim Angliken Bisop Denys Ririka bilong Aipo Rongo olsem man i go pas bilong ol long soim wok

bung wantaim namel long tupela sios.

Mista Stephens i tok Bisop Ririka i bin raun wantaim ol bisop long olgeta hap ol i bin go long en. Bikpela eria we em bin gat bikpela tingting em long Dipatmen long Vatikan i lukautim Kristen Yuniti na Inte Rilijes Dailok.

Em i tok tu olsem lukim matmat bilong tupela biknem lida bilong sios em Santu Peter na Paul na stap insait long Misa lotu em bikpela samting long em na Bisop Denys.

"Aiwara i ken kapsait long dispela seremoni i bin kamap long matmat bilong tupela hetman bilong sios. Taim mitupela Bisop Denys i bihainim proseso bilong 25 bisop bilong yumi long Basilika we misa lotu i bin kamap, planti pipel i bin kam na soim bikpela laik long ol

bisop bilong yumi. Ol bin stop na lukluk na askim ples we ol dispela bisop i kam long en na ol i mekim wanem samting long Rom. Ol bin gat bikpela tingting long PNG na Solomon Ailan. Mi tingim PNG i long we tumas long Jerusalem, ples we ol bin nilim Jisas long Diwai Kruse na matmat bilong Santu Peter (namba wan Pop) na Paul na mi bin gat strongpela tingting olsem mipela i givim witnes long yunivesel sios o sios bilong olgeta pipel, maski ol i kam long narapela kantri na i gat wan wan tokples, bilip na skin kala," Mista Stephens i tok.

Bihain long gutpela wok-about bilong ol long Rom, ol bisop i wok long kam bek nau long kantri long go hetim lukaut bilong ol daisosis wantaim nupela strong long wok bilong ol.

**Jastis na
Pis trening
i bikpela
samting**

KARIMAUT wok bilong Jastis na Pis em i bikpela hap long wok evanjelaisesen na sios i no inap long autim Tok tasol, em i gat wok olsem maus long makim komyuniti.

Bipo Bogenvil Gavana John Momis i bin autim dispela toktok long pinis bilong 7-pela wok trening Caritas PNG i bin givim long ol komyuniti developmen wok manmeri insait long 20 Daisosis long kantri bilong skruim save bilong ol long sait bilong sosel jastis, wok bilong kamapim gutpela sindaun na kamapim ol program long helpim na strongim ol man na meri na ol i ken stap insait long ol wok developmen bilong kamapim gutpela

komyuniti, sosait na kantri. Mista Momis i bin tok sios em i hap bilong sosait na antap long wok rilijes, em i gat sosel wok misin na i gutpela long Caritas PNG i givim trening long ol lain i go pas long dispela eria i mas gat trening.

Mista Momis i bin skruim tok moa olsem dispela Integrel Humen Developmen skul i save strongim ol manmeri long lukim developmen kliia na luksave olsem wan wan man i gat gutpela long em bikos dispela kain lukluk i bikpela samting long wok developmen.

Em bin tok luksave long ol narapela manmeri wantaim rispek i bihainim lo, jastis na pis.

Long wankain taim tu, Nesenel Dairekta bilong Katolik Wimens Federesen Maria Kumo i bin tok dispela kain trening em i rot bilong strongim wok bilong Caritas long PNG.

Em bin tok amamas long tepela meri i bin sindaun long dispela kos na tok strong long ol long strongim bilip olsem ol i mekim long ol famili bilong ol.

Em bin tok ol meri husat i bin sindaun long ol kos we Caritas PNG i bin ranim pastaim long Vanimo i wok nau wantaim ol manmeri i abrusim boda mak bilong PNG na Indonesia na tu, wantaim ol senta i wok long daunim ol sosel hevi insait long ol wan wan provins.

Galp Luteran gat nupela pasto



Pastor Aieau Ork wantaim meri na pikinini i amamas na kisim poto. Fraide bai ol i lusim mosbi na go long Kerema. Foto: ANDREW MOLEN

Paulus Tali i raitim

LUTERAN Sios long Galp provins bai gat nupela pasto long karimaut wok bilong sios long hap.

Nem bilong em Pasto Aieau Ork na em bilong liklik ples Lomalom long Yabim Distrik insait long Morobe provins. Em bai lusim Mosbi long

go long Kerema long tumora.

Las wik Sande, ol i wokim lotu long Kirap Bek kongriksen long Gerehu, we ol Kristen i kamap long lukim lotu we Pasto Aieau i bin go pas long em. Em i kisim singaut long go long Kerema bihainim wok misin program bilong Kirap Bek kongriksen yet.

Pasto Aieau i tok wok pasto em i no isi wok bikos yumi mas givim taim long wok bilong bikpela na lus ting long pasin bilong dispela graun.

Siaman bilong Kirap Bek kongriksen Sagowa Langa i makim kongriksen na i tok amamas long pasto bai kisim wok long Kerema we planti ol Kristen long

Em i bin greduet long Logaweng Luteran seminari, long Finsafen long Morobe provins na bihain long wanpela yia, em bin go long Trening vika long Anku Luteran peris long Melpa seket long Hagen distrik.

Em pinisim skul bilong em long Baibel Tioioji long yia 1998.

hap i lotu long Yunitet Sios.

Mista Langai i askim Luteran kongriksen long Galp provins bilong sapotim wokabout bilong wokman bilong God long kisim wok long nupela ples wok.

Pasto Ork i bin statim wok bilong em long Bethel Luteran kongriksen, long Popondeta insait long Noten provins. Em bin mekim planti gutpela wok long seket, inap long 5-pela krismas.

Sumatin gat strongpela tingting long korapsen

Veronica Hatutasi i raitim

I gat strongpela bilip olsem skulim ol pikinini long ol skul long abrusim ol pasin nogut olsem korapsen bai helpim long rausim dispela insait long sosaiti.

Norman Taman em i wanpela Lasalien sumatin husat i wokim yia tu Sivil Enjiniaring skul long Lae Yunitek na i stap nau insait long namba tu Nesenel Lasalien Yut Kongres long Bomana i tok.

Taim em i amamas

long stap long dispela bung wantaim ol arapela De La Salle skul sumatin, em i tok tru, Trenperensi Intenesenel na ol arapela grup i karimaut wok long stopim korap pasin o pasin bilong yusim pawa long paulim mani na ol arapela samting, ol De La Salle skul i bihainim driman bilong fauna bilong ol na stat long liklik wei long daunim korapsen long sosaiti na kantri.

"Ti na ol narapela grup i olsem dainaso tasol mipela ol yut i bung wantaim long promotim pis o gutpela sindaun, stap gut

wantaim wanpela narapela, bihainim gutpela pasin i stat long liklik wok. Lukluk liklik na go bikpela i gat bikpela skul long en," Norman i tok.

Em i tok em i amamas long stap long dispela bung bikos ol samting we ol i toktok na lainim long en bai helpim tu ol arapela brata na susa bilong ol. Tasol bikpela samting em i tok long en em long ol sumatin husat i sindaun long kongres long mekim ol samting ol i lainim na noken larim i lus nating.

Em i tok bung ya na



• Norman Taman em i wanpela Lasalien sumatin husat i wokim yia tu Sivil Enjiniaring skul long Lae Yunitek. Foto: Nicky Bernards

kam wantaim ol sumatin bilong ol arapela susa skul long kantri i helpim strongim spiritual laip na bilip na gutpela pren pasin wantaim ol.

Norman husat i eks sumatin bilong Jubili

Sekonderi we i gat Yut Egens Korapsen grup na i kirapim wok long skulim ol sumatin ol gutpela pasin olsem rot long luksave na rausim pasin bilong korapsen long level bilong ol yet.

Nesenel Kurikulum rifom bung i kamap

NESENEL Kurikulum Rifom Konferens i bin stat aste long Pot Mosbi bai givim sans long ol tisa na woklain long edukesen i kam wantaim na serim ol ekspriens ol i bungim long go hetim ol nupela edukesen rifom long kantri.

Ekting Edukesen Seketeri Dokta Joseph Pagelio i askim strong ol woklain bilong Edukesen Dipatmen na ol tisa long go na stap long Konferens we i bin stat aste Trinde Julai 13 na pinis tumora Fralde Julai 15.

Het tok bilong Konferens em "Sustainable Curriculum Development- the PNG Curriculum Experience"

o Kain Kurikulum i bihainim ol samting bilong yumi long PNG yet.

Konferens i givim sans long ol eduketa na ol rises lain long prisenim ol evidens long ol wok kamap rifom i kamapim long wei ol tisa i skulim ol pikinini na wei ol sumatin i lainim ol samting.

Ol pepa we ol bikman bai prisenim i gat ol ripot long ol samting i kamap insait long 5-pela yia kurikulum rifom i go het na rot we em bai go long em long ol yia i kam.

Ol bikman long edukesen i kam long ovasis na PNG yet i prisenim ol ripot long dispela konferens.



• Ol sumatin long wanpela grup sesen bilong ol.

Foto: Nicky Bernard

La Salien bung promotim gutpela pasin

Veronica Hatutasi i raitim

MOA long 130 sumatin bilong ol De La Salle skul insait long kantri i bung long Bomana long strongim gutpela pasin, stap gut wantaim wanpela narapela na daunim korap pasin.

Ol sumatin man na meri i kam long ol skul we ol De La Salle Bruder i bin kirapim olsem long Hohola Yut Developmen Senta, Jubilee Katolik Sekonderi, De La Salle Hai skul Bomana long Mosbi, Mainohana Sekonderi long Bereina, Fatima Sekonderi, Holi Roseri Sekonderi skul long Kondiu na sampea bipo De La Salle sumatin long Yunivesiti ov PNG na Yunitek long Lae.

Bihainim het tok bilong dispela namba tu Lasalien Yut Kongres, "The Power of the Dream", ol yangpela sumatin man na meri bai kisim stia long luksave long ol salens insait long komyuniti na laip bilong ol. Bruder Allen i wanpela long ol husat i go pas long

dispela bung i tok bikpela samting em ol yangpela pipel bilong ol wan wan skul long bung wantaim na selebretim as tingting olsem ol i hap bilong De La Salle skul we ol i ken toktok long ol samting i karamapim ol.

Em i tok dispela kongres o bung i givim sans long ol sumatin i strongim lidasip wok na tu, strongim pasin, laik na wok long helpim ol narapela i laikim helpim long en.

Em i tok long dispela wanpela wik bung, ol yangpela sumatin i harim toktok bilong sampea bik manmeri long ol samting we ol i lukluk long ol long dispela bung.

Foma Polis Komisina Peter Aigito i bin toktok long Pis, lo na Oda taim Profesa Allan Patience bilong Yunivesiti bilong PNG i toktok long Politik na Developmen. Sotel Developmen Minista Dame Carol Kidu i bin toktok long "Wok bilong ol Meri long Politik bilong tude". UNICEF lain i bin toktok long sindaun bilong ol yut long PNG na Wol tude.

Sampela arapela bikman bilong sios tu i bin toktok long ol sumatin.

Bruder Allen i bin tok long pinis bilong bung, ol bai kamapim Driman na Misin bilong kongres bilong givim stia long ol yut long PNG bihainim as tingting bilong man husat i bin kamapim bilong ol De La Salle kongrikesen em Bruder Santu John De La Salle.

Ol yut i sea long preia, paitim toktok insait long ol liklik grup, ol sevis wok long helpim ol narapela olsem ol lain long Cheshire Homs, Siti Misin, HIV/AIDS senta na moa olsem.

Jubili Sekendri i bin go pas long ol wok bilong lukautim dispela bikpela bung tasol bikos ol i nogat inap ples bilong ol sumatin long slip long en, kibung i bin kamap long De La Salle Provinsei Hai skul long Bomana.

Long pinisim bung, bai i gat kalsereit nait we ol sumatin bilong ol wan wan provins bai putim kamap ol tumbuna singsing na dani.

Nius Bilong HIV AIDS

wantaim David Ephraim



ROT bilong abrusim HIV/AIDS na tu stap longpela

taim long graun em long lukautim gut bodi bilong yu na tu was gut long pasin bilong yu.

Planti taim tingting bilong yumi i save wokim yumi kisim sik na tu yumi save dai hariap. Long kirap bilong HIV/AIDS, planti manmeri i laik save wanem rot ol i ken bihainim, abrusim na kontrolim pasin bilong ol. I gat planti ansa long dispela samting tasol mi laik givim sampela rot we yu ken bihainim long abrusim. Em long lainim, skelim tingting na senisim pasin bilong yu na kamap gutpela piksa long ol narapela lain manmeri. HIV/AIDS i save go bikpela taim manmeri i les long tingting na skelim wantaim pasin bilong ol. Bikos ol i tingting ol i save long olgeta samting o ol i stap orait tasol. Namel long ol dispela HIV/AIDS i go bikpela taim ol pipel i les long senisim pasin bilong ol. Long senisim pasin em i hat tumas tasol sapos i gat planti gutpela pipel i sanap aut na soim stretpela na gutpela pasin insait long komyuniti, em nau bai planti senis i kamap. Wanpela rot we i save mekim ol manmeri i no senis em ol manmeri husat i tok long senisim pasin tasol ol i no save mekim ol yet.

HIV/AIDS i stap pinis. Lainim, skelim tingting na senisim pasin bilong yu tude. Nogut yu tu bai sore bihain.

Tok Lukaut

SAMPELA wik i go pinis Dame Carol Kidu i tokaut long tingting bilong em long stretim dispela hevi bilong haus pamuk o pasin pamuk we wanpela rot em long kamapim wanpela lo bilong lukautim dispela samting.

Dispela tingting em planti i no laikim bai kamap. Planti i tok em bai bagarapim gutpela nem bilong kantri olsem kristen kantri. Long tingting bilong mi mekim pasin pamuk i kam aninit long lo bai inap helpim o banisim gut ol meri husat i save wokim dispela kain pasin. Bilong wanem, lukluk long ol kantri husat i kamapim lo nau i kisim bikpela hevi long reip, ponograpik piksa o ol piksa nogut, fos prostitusen o salim ol meri i go wok olsem prostitut long narapela kantri olsem eskot bilong ol manmeri husat i baim ol. Em sampela hevi we bai bagarapim planti familt. Sapos dispela kain lo i kamap, i mas i gat sampela kain rihabilitesen progrem long helpim ol meri husat bai kisim ol bagarap olsem geng reip, fos prostitusen na ponograpik o piksa nogut bilong ol liklik pikinini we tude em wanpela bikpela hevi insait long wol. Insait long dispela i mas i gat skelim bilong kalsa pastaim long em i tingim ol dispela rot. I tru pasin pamuk em bikpela insait long kantri. Mosbi yet i gat moa long 29 haus pamuk. Nau yet i gat ol nait klab i save wokim strip so. Long dispela, kantri i gat planti PNG ponograpik piksa. HIV/AIDS i stap pinis. Pasin pamuk na haus pamuk i pulap i stap na yu yet yu stap insait long dispela komyuniti bai yu wokim wanem?

Japan givim bokis ais bilong marasin

Long wik i go pinis, Embasi bilong Japan i bin makim gavman bilong em long givim 8-pela ten (80) bokis ais i go long Nesenel Helt Dipatmen bilong givim i go long ol helt senta, etpos na haus sik long kantri. Ol dispela bokis ais bai givim gutpela hap bilong putim gut ol banis sut na ol arapela marasin ol haus sik i save yusim long ol wok bilong ol.

AusAID bai sapatim wantaim mani long peim rot bilong salim ol aisbokis i go long sip na trak.

Ol i kolim ol dispela masin na bokis ais long putim ol banis sut narasin long "kol sen" na dispela i min olsem sistem bilong putim ol marasin na ol bai stap gut aninit long rait tempretja o hot na kol na i no inap long bagarap.

Insait long 5 inap long 10-pela yia i go pinis, bikpela hatwok i kamap long kamapim

gut banis sut sevis insait long PNG. Long yia 2000, wantaim wok patna namel long Nesenel Helt Dipatmen na AusAID, bikpela wok i bin kamap long developim wanpela stendet o rot long bihainim long pawa bilong yusim ol bokis ais i wok long pawa o ges, ileketrik stov o sola pawa.

Wanpela wok painim ol bin karimaut i soim olsem banis sut progrem i wok long kamap gut na dispela i gutpela moa long wanem ol nupela bokis ais na sistem ol i bihainim long lukautim ol marasin bilong yusim.

Aninit long wok bung namel long Nesenel Helt Dipatmen na AusAID, klostu 900,000 pikinini insait long kantri i kisim ol banis sut insait long tupela yia i go pinis long stopim ol i kisim ol sik bilong ol pikinini olsem sik misels na polio.



Salim ol pas i kam long WANTOK NUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

Namba wan taim Erap Mempa

Dia Edita

MI RAIT long kamapim tok sori long tupela pas i kamap insait long Wantok Niuspepa makim memba bilong mipela long Nawaeb lilekoret (pas long 28 Epril na 16 Jun 2005). Dispela opis bilong Mempa em wanpela bilong mipela Erap em i kisim olsem namba wan taim long histri bilong sindaun bilong pipel bilong Erap.

Mempa bilong yumi em i nidim ol luksave bilong yumi olsem na em i wok long traim long sevim yumi agensim taim nogut kantri bilong yumi wok long bungim na i stap insait long en.

Mipela Erap i bilip olsem dispela lida em i no aipas olsem pas i tok long en (28 Epril). Em i gat ai em i ken lukluk na skelim yet na kamapim kaikai bihainim bilip em i gat na lainim tingting long sevim na lukautim yumi. Mi makim pipel bilong Erap long tok sori long Mempa long abrus bilong tingting i pun- daun long niuspepa na yu ken i go het yet long skulim gutpela wok bilong yu na pinisim gut taim bilong wok na sevis i go long pipel bilong yumi long Nawaeb lilekoret.

TIMOTHY MANDON IDAFIT SIAMAN FPE ASOSIESEN

Gutpela lida i stap insait long Lai Veli

Dia Edita

MI WANPELA manki Mendi long Sauten Hailans provins. Liklik ples bilong mi em Mariste insait long Lai Veli. Mi laik autim wari bilong mi long Wantok Niuspepa olsem. Mipela Lai Veli pipel ya slip olsem yumi nogat mausman long Palamen. Michael Nali save mekim yumi olsem kakaruk. Long yia 2002 i kam inap 2007, nogat wanpela sevis bilong gavman. Yumi gat 21 kaunsol wod olgeta na bilong wanem yumi slip yet.

Michael Nali save baim yumi long liklik K10 na i gat planti trupela lida i save sanap na yumi save givim baksait. Olsem na nau 2007 i kam klostu ol manmeri bilong Lai Veli; ol ples olsem Honda, Wariba, Mariste, Imilhom, Waip i go long 21 olgeta. Yumi mas sanap strong na votim wanpela bilong yumi yet na bai yumi lukim Lai Veli i senis.

DICKSON PAPOL KIMBE WES NU BRITEN PROVINS

Lukluk long ol viles kot

Dia Edita

MI LAIK putim sampela tingting bilong mi i go long Etministreta bilong Is Sepik provins olsem. Viles kot em wanpela bisnis han bilong wokim mani long provins? Nogat. Viles kot i stap long stretim hevi o wari bilong pipel insait long komyniti o ples. Em i no bisnis long kisim mani long ol pipel. Lo i no tok olsem. Bikman bilong gavman mas save tru long wok bilong viles kot na noken askim tumas long ol kot fain olgeta taim. Level bilong ples em olsem sampela taim viles kot i kaunsoim o givim stia tok, sampela taim mense na ful kot. Planti de bilong wik na mun viles kot save mekim wok bilong ol tru long PNG olgeta. Etministreta bilong Is Sepik yu mas save gut tru long wok bilong mipela ol viles kot long Is Sepik provins. Noken sindaun tasol. Pliis Etministreta mi yet mi wanpela long taim wokman bilong viles kot long Passam eria. Yia bilong mi 20 yia na mi no lukim wanpela samting provinsel gavman long Is Sepik i helpim viles kot long provins. Etministreta mas lukluk hariap long 9 mun pe bilong viles kot insait long Is Sepik provins.

GABRIEL TROVERY PASSAM VILES KOT WEWAK, IS SEPIK PROVINS

Makim haiwe rot bilong Somare

Dia Edita

MI WANPELA pikinini Simbai long Wes Kobon long Madang provins. Nau mi stap hia long Rabaul na mi raitim dispela pas i go long ol Sepik, Simbai na Madang. Yu wanpela bilong ol dispela ples yu stap sampela hap long PNG plis mi laikim yu mas sapatim mi. Yambaki Okuk em i dai pinis tasol em gat

han mak bilong em i stap em ol i kolim Okuk Haiwe. Mi bin raun pinis long Okuk Haiwe na mi kisim tingting gen long lapun bilong yumi Somare.

Sir Michael Somare, inap yu putim han mak bilong yu? Na mipela ol Momase rijen mipela laikim Somare mas wokim Somare Haiwe long Wes Sepik i go long Is Sepik na

Simbai i go long Madang. Mi laikim ol memba bilong Momase rijen mas strong tu long dispela haiwe na sapatim. Em tasol yu husat i laik sapatim o agensim, yu welkam tasol long Wantok Niuspepa.

DANIEL B. UNAGEM RABAU IS NU BRITEN PROVINS



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik . Na tu putim nem na adres bilong yu long olgeta pas yu salim i kam, tenkyu . - Edita

Ol polis i gat rait long holim gan long pablik

Dia Edita

OL MERI i tok ol polis i noken karim gan long pablik. Sapos ol polis i no karim gan long pablik na ol raskol i holap long beng o long stua na bai yu mekim wanem nau. Bai yu holim

ol long han bilong yu. Nogat tru. Ol polis i gat rait long holim gan long pablik bikos em i wok bilong ol polis. Yupela ol meri i nogat rait long komplem long ol polis. Em ol polis i wokim wok bilong ol. Yu

nap sakim han bilong ol raskol na stil man?

SUNNY TOKEN KIMBE WES NU BRITEN PROVINS

Gavman i mas tingim God

Dia Edita

MI WANPELA pasta bilong AOG Sios long Banz insait long Maunten Hagen, Westen Hailans provins. Mi raitim dispela pas i go long wan handret na nain (109) memba long Palamen long Waigani.

Mi no raitim pas long skelim ol memba o bilong daunim ol, nogat. Mi raitim long askim na save. Askim bilong mi i go olsem: Husat i wokim skai na graun? Husat i makim Gavman? Husat i makim yu kamap memba bilong lukautim kantri, provins na distrik?

Insait long tripela ten (30) krismas we kantri i sanap em yet, Papa God i blesim yumi long planti samting olsem gol, daimon, kopa, wel, ges, kerosin, bensin, disel, kopi, kakao, kopra, pis na planti moa.

Faipwela praim ministra i bin go pas long kantri bilong yumi PNG - Michael Somare, Pias Wingti, Rabbie Namaliu, Julius Chan, Bill Skate na Sir Mekere Morauta.

Na wantaim ol arapela memba bilong palamen, wanpela samting mi lukim na

pilim long en mi laik putim namel long yupela olsem.

1. Kantri PNG i go long bikpela blesing tasol mi lukim blesing i drai yet.

2. Bilong wanem na blesing i drai? Em yupela save o nogat. (Malakai 3:8-9)

3. Mi lukim olsem kantri PNG i no brukim tits, o namba 10 hap mani i go long God inap long yia 1975-2005 - 30 yia long dispela as tasol blesing i drai bikos 30 yia kantri PNG i stap long bel nogut bilong God.

4. Insait long 30 yia hamas mani bilong God long tits gavman yu bin stilim. Baibel i tok long Malakai 3:10 olsem yupela i no mekim olsem bai planti pasin korapsen bai kamap long kantri bilong yumi. Yu bilip long dispela o nogat?

5. Mi askim papa Somare inap yu brukim 10-hap long yia i kam 2006.

JOHN KOU MT HAGEN WESTEN HAIENS PROVINS

Tok sori pas i kam long Wafi

Dia Edita

BEKIM pas bilong Paul Suman long POM siti na tu i kam bek long tupela pati bilong mipela yet Saab na Kutu o Babvaf. Het tok bilong mi long ples Mare i tok 'Tingim nogut na gutpela pastaim'. Mi rait na kamap long Wantok Niuspepa long 26/05/05.

Mi tok mi belhat long husat i papa graun long Wafi. Mi papa graun. Dispela i no tru. Em mi dami tasol o giamanim pablik. Olsem na sem bilong mi na mi tromei traipela mama na papa bilong Tok Sori i kam long yu na mi na pablik. Mi no minim. Mi no papa graun. Sori na sori stret long mi rait na pablisim kon toktok bilong mi yet. Olsem na mi askim yu Saab na Kutu o Babvaf long daunim belhevi bilong yupela. Em tasol na bel isi o wanbel i stap o pas wantaim yu. Tenk yu na God i stap wantaim yumi olgeta.

LAPUN SAAB LAE MOROBE PROVINS

Maski long giaman tingting na toktok

Dia Edita

MI BEKIM pas bilong Sulu Mandep, Wantok Niuspepa, Jun 23, 2005. Sulu i tok olsem em i makim planti mama papa tasol ol dispela lain yet i bin makim Mao Zeming (4-pela taim) long makim ol long haus palamen.

I luk olsem ol i bin bilip long lidasip bilong Mista Zeming.

Tingting na wari bilong ol dispela planti lain i stap wantaim Mista Zeming.

Mempa Zeming i no inap sem nating olsem yu tok long pasin na wokim na westim taim.

Em i wok bilong kot sistem bilong kantri long skelim na givim tok orait.

Olgeta man wantaim lida Zeming u i no inap lon hariapim kot long wokim wok bilong em hariap.

Lida tu salensim rausim bilong em long kot na em i demokratik rait bilong en long mekim.

Sulu noken raitim pas nating na bagarapim tingting bilong ol manmeri bilong Tewai-Siassi wantaim giaman toktok bilong en.

Kain giaman tok tu ken sutim bel bilong ol manmeri i laik kamap kendidet. Nogut Sulu yet em i wanpela kendidet tu.

Rekot bilong Morobe politiks i soim olsem Mao Zeming em i namba wan lida long kamap deputi praim ministra na tu holim planti arapela wok ministri.

Mista Zeming tu bai ron resis long 207 ileksen na pipel yet bai skelim long balot bokis. Sulu yu tu yu welkam long sanap tu.

Long dispela namel taim, Suprim Kot i toksave long Nesenel Kot long lukluk gen long dispela tingting bilong lidasip traibunel long pinisim lida long opis.

Tasol dispela apil proses i no pinis na i stap yet.

Mao Zeming, yu, mi na ol arapela man i nogat pawa long hariapim kot.


Olsem na ol lain olsem Sulu mas wet inap kot i mekim wok bilong em long skelim toktok bilong Mao Zeming na gavman lo man.

Yumi mas wetim kot long mekim wok bilong en na toksave long bai ileksen bai kamap o nogat.

Man olsem Sulu i noken seksek na paulim toktok long bagarapim tingting bilong planti gutpela man, meri na pikinini bilong Tewai-Siassi.

Kain giaman tingting na toktok em ol i kamap long man husat i gat hait tingting bilong ol yet.

KUBAE MEDAC ZANKOA VILES - SIALUM MOROBE PROVINS



WANTOK KOMENTRI

Opim maus long wanem as

LONG Mande long dispela wik, ol sumatin bilong Yunivesiti bilong Papua Niugini (UPNG) i bin soim strong bilong ol gen taim ol i kukim ol kar bilong Vais Sensela na man husat i save lukautim mani bilong ol.

Long wanem as tru na ol i mekim ol dispela kain bikhet pasin?

Namba wan samting ol i singaut long en em ol i no wanbel long Yunivesiti i daunim ol mak bilong sampela long ol sumatin bihainim dispela wok bilong Gred Poin Averes o GPA.

Dispela rot bilong skelim save bilong sumatin em i wanpela rot we planti arapela bikpela skul long wol i save bihainim.

Na sapos yumi no bihainim laik bilong ol sumatin long lusim skul long sait na go kukim ol kar bilong ol bikman bilong skul, bai mipela kisim wanem kain tingting long pasin ol i mekim.

Yumi tukim pinis hevi i bin kamap taim ol UPNG sumatin i bin traim autim bel kros bilong ol taim gavman i tingting long kamapim lo bilong holim pasim graun. Tru tumas, graun em i wanpela bikpela samting long laip bilong yumi. Bikpela asua ol sumatin bilong UPNG i bin mekim em long lusim ol ausait lain i go insait na kirapim bel bilong ol. Ol wanskul bilong ol i bin indai long dispela taim.

Bihain long dispela hevi i bin kamap, strongpela tok lukaut i bin kamap long ol sumatin i noken bung na kirapim wankain samting gen.

Namel long dispela taim i kam inap nau, ol sumatin bilong UPNG i no kamapim wanpela bikpela kros.

Tasol nau, long sait bilong ol mak bilong skul bilong ol na ol i kirap gen.

Ating mipela planti manmeri i laik save. Dispela hevi long ol mak i senis em i hevi we olgeta UPNG sumatin i karim? O wan wan sumatin tasol i karim na ol i laikim olgeta sumatin long mekim namba tasol.

Skul em i samting bilong namba. Em i bikpela samting long stretim rot bilong laip. Na skul long level bilong yunivesiti em i bikpela samting moa. Em i no manki manki samting. Sapos yu sumatin long UPNG na yu kisim sans long strongim save bilong yu long strong bilong yu yet na i gat asua long taim ol i skelim ol mak bilong yu, orait, yu gat rait long opim maus na toktok. Sapos yu no wok hat na tingim hat wok bilong papa mama long givim yu dispela sans long kisim moa skul na strongim save, moabeta yu skelim pasin bilong yu yet na noken bagarapim skul bilong ol arapela sumatin.

Skul long yunivesiti em i no rait. Em i wanpela sans bilong ol lain yangpela i gat laik long kisim save. I no long lainim long kukim kar.

Long wankain taim, bikpela wok nau i stap wantaim gavman, na ol wok manmeri bilong UPNG long glasim rot bilong skelim ol skul mak bilong ol sumatin. Kar i no inap paia, na sumatin i no inap long pasim skul nating. I mas i gat sampela samting i no stret insait long rot bilong skulim ol yangpela.

Hevi bilong pamuk pasin

MINISTA bilong Komyuniti Developmen, Dame Carol Kidu i gat as long belhat long nius midia. Ol midia yet i bin raitim ripot olsem Dame Carol i wok long kirapim tingting bilong kamapim wanpela lo bilong bosim pasin na haus pamuk.

Tasol i tru olsem em i no bin sapotim lo bilong pasin pamuk. Em i bin givim tasol sampela tingting long ol rot bilong daunim dispela hevi.

Wanpela toktok Dame Carol i mekim long Palamen long dispela wik em i tru tok olgeta. Pasin pamuk na dispela bisnis i no inap long go bikpela sapos ol man yet i no laikim. Sapos mipela i tingting long daunim dispela hevi, mipela ol manmeri yet i noken go painim dispela samting.

Dame Carol, luksave i stap wantaim yu na wok yu mekim.

Wok bilong Palamen long kamapim lo bilong gan

NESENEL Gans Kontrol Komiti i bin pinisim wanpela bikpela kibung bilong em long Goroka las wik. Long dispela kibung, komiti i kisim ol tingting bilong ol save manmeri, ol bisnis manmeri, ol politisen na ol grasrut pipel long ol birua gan i kamapim long kantri.

Dispela kibung long Goroka i bin kamap bihain long Nesenel Gans Kontrol Komiti i raun long olgeta provins long kisim tingting bilong ol pipel long hevi bilong gan.

Long ol dispela raun bilong provins, Nesenel Gans Kontrol Komiti i harim pinis kraik bilong ol pipel. Planti manmeri long nambis i go antap long Hailans, i autim ol birua gan i save kamapim long ol ples. Ol pipel i les pinis long ol gan i stap long han bilong ol man. Planti hap bilong kantri, ol pipel i kraik wantaim na autim



TOK PISIN
wastaim
PETER MAIME

wari bilong ol. Planti manmeri i belhat olsem gavman i no mekim wanpela samting long daunim ol hevi gan i wok kamapim.

Wankain toktok, em Nesenel Gans Kontrol Komiti i kisim long dispela bikpela kibung long Goroka. Ol meri long Goroka i mas i go long ples bilong kibung na autim ol hevi gan i kamapim long famili na haus lain bilong ol.

Bihain long kibung long Goroka, Minista bilong Polis, Bire Kimisopa na Polis Komisina, Sam Inguba i bin go long Kainantu. Ol meri na mama long Kainantu i sindaun

pasim Hailans Haiwe na wetim tupela bos man bilong polis.

Taim Mista Kimisopa and Mista Inguba i krugutim Kainantu, ol meri long Kainantu i bin tokim tupela bos man bilong polis olsem planti taim ol man wantaim gan i save pulim ol meri na bagarapim ol. Ol i tok dispela hevi i bin stap longpela taim long Kainantu. Wanpela nes meri long Kainantu Haus Sik i tok, ol man wantaim gan i save go na pulim na bagarapim ol nes meri taim ol i wok long nait.

Mista Kimisopa i tokaut pinis olsem ol toktok Nesenel Gans Kontrol Komiti i putim wantaim bai kisim bikpela sapot long gavman. Sapos Nesenel Gavman i sapotim tingting bilong Nesenel Gans Kontrol Komiti, bai gavman i bringim gen i go long Nesenel Palamen.

Sapos ol tingting bilong strongim lo bilong gan i go long palamen, bai em i kisim bikpela sapot long gavman na oposisen wantaim. Dispela Nesenel Gans Kontrol Komiti em Gavman bilong Sir Michael Somare i sanapim.

Oposisen Lida, Peter O'Neill, husat i bin pasim dispela kibung long Goroka long las wik, i tok i mas gat strongpela lo long mekim save long ol lain i nogat laisens long holim gan na tu husat i kamapim ol raskol pasin wantaim gan.

Nau em i wok bilong ol wan wan politisen long skelim na sapotim Nesenel Palamen long kamapim strongpela lo long daunim hevi bilong gan long PNG.

Givim ripot long God

GUTPELA Lida i mas karim hevi o mekim save bilong toktok, wok na tingting em i givim o autim we i paulim na

bagarapim laip bilong pipel.

Em i mas sanap long ai bilong Bos i stap antap long em o ol bikbos we tupela o foapela

man i bung long kisim bekim bilong lida long tok, wok o disisen em i mekim i bin bagarapim pipel. Long tok Inglis yumi tok "answerable" o em i mas tok klia long wanem samting em i mekim.

Insait long laip bilong lida long kampani o gavman bik bos i mas askim lida i stap aninit long givim ol bekim bilong em long samting em i mekim i bagarapim pipel o wokman. Lida i stap aninit long 'bik bos' na em i mas givim bekim bilong 'bik bos'. Sapos em i painim i gat hevi na bagarap i kamap orait bik bos i ken rausim em long wok o daunim em long lidasip posisen. Insait long Olpela Testamen taim ol King i redi long bekim askim bilong God long wok, disisen na tok ol i mekim. Dispela tok o disisen em mekim gut wok o kamapim hevi. Ol lida i mas givim bekim bilong God long wanem as ol sipsip i lus nabaut o bilong wanem as disisen lida i mekim i sakim na brukim Lo bilong God.



Ol prinsipal bilong gutpela lida

wantaim
Evangelist

OHARE JABERE

Olsem long Buk bilong 2 Samuel 2:1 i go daun, God i toksave long Profet Nathan long go long King David na tokim em long asua em i mekim long maritim Batseeba olsem meri bilong em. King David i mas sanap long pes bilong God long bekim askim bilong God we profet i putim long em. Dispela i soim King David i bin rong long wok o pasin em i mekim olsem lida bilong Israel.

Bikpela tingting insait long Baibel em olsem tok, wok o disisen lida i mekim we i kamapim hevi o belkros. Lida mas i gat bekim long God husat i givim laip spirit long pipel bilong em. Lukim Ezekiel 34: 8-10.

Long dispela taim, Gavman i tok strong long senisim sampela hap lo insait long Lo bilong diwai we i tok

long bung wantaim bilong papagraun long tok bilong diwai wantaim gavman na kampani.

Planti saveman, NGO na risos ona i soim belhevi na kros olsem wanem na Praim Minista na Minista bilong Diwai i laik senisim.

Minista na Praim Minista tok long senisim hap tok bilong Diwai Lo, i bilong helpim risos ona (pipel) o bilong amamasim loging kampani. Tupela i putim pipel i go pas olsem wasman bilong sipsip o tupela i putim laik bilong tupela i go pas.

Yumi lida mas putim kraik na laip bilong pipel i go pas, olsem disisen na tok yumi mekim i mas traim long helpim ol na bringim amamas long laip bilong ol pipel.

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



PASIFIK NIUS

TOKELAU: Referendum bilong statim nupela gavman

WANPELA teritori bilong Nu Silan, Tokelau bai i gat sans long kamapim wanpela referendum bilong self gavman namel long nau na pinis bilong dispela yia.

Etministreta Neil Walter i tok Jenerel Fono bilong Tokelau bai skelim tingting long wanpela konstitusen o mama lo na wanpela agrimen wantaim Nu Silan long kibung bilong tupela we bai i kamap long mun Ogas.

"Long sait bilong Tokelau, bai kaunsel bilong gavman bai i mas kamapim wanpela drap mama lo na dispela drap triti raunim tripela ples na ol pablik kibung na bung wantaim ol ples kaunsel insait long wan wan ples," Mista Walter i tokim Redio Australia.

"Ol ripot bai kam aut long tripela ples bilong redi long narapela Jenerel Fono long Ogas. Em nau ol bai skelim askim bilong ol pipel bilong Tokelau long ol bai kamap wanpela kantri bilong ol yet o nogat."

Tokelau i rait i go pinis long Pasifik Ailans Forum long askim long ol i kam stap was long wok ol i laik mekim.

NU SILAN: NZ foren minista opim han long Fiji long Rekonsiliesen Bil

MINISTA bilong Foren Afeas bilong Nu Silan, Phil Goff i tok Fiji i kisim pinis wanpela helpim i kam long Nu Silan long glasim dispela Rekonsiliesen Tolerens na Yuniti bil.

Ami bilong Fiji i wok long tok olsem gavman i wok long bagarapim kantri wantaim dispela bil na ami i redi tasol long banisim kantri Fiji.

Mista Goff i tok Nu Silan i bin stretim rot bilong Pater Michael Lapsley, husat i go pas long Institut bilong Hiling ov Memoris, long go raun long Fiji bilong paitim toktok.

"Tasol mipela i traime long wok wantaim ol arapela grup insait long Fiji na helpim ol long painim rot bilong stretim dispela hevi," Mista Goff i tok. "Mipela i no inap givim rot bilong stretim na ol bai karimaut. Ol yet i mas painim dispela rot. Tasol wok mipela i mekim em bilong kirapim dispela wok na helpim olgeta lain long painim gutpela sindaun."

VANUATU: Het insait long pot i autim tok

WANPELA pot we ol i bin painim long Teouma Veli long Vanuatu i givim salens long save gut long ol lain i bin stap bipo long dispela ples.

Dispela het ol i painim insait long pot i autim bikpela stori bilong ol manmeri i bin kam kamap long Vanuatu long bipo tru na pasin bilong ol long planim indai man.

"Long sait bilong Lapita, dispela em i bikpela samting tru," Stuart Bedford, wanpela long ol akiolojis i bin tokaut. "Mipela wok long kisim klia piksa long pasin bilong ol lain bipo long planim ol indai man."

Profesa Matthew Spriggs i tok dispela nupela samting ol i painim i givim nupela stori bilong ol Lapita manmeri. Taim ol i stat long dikim las yia, ol i painim samting olsem 20 bodi i nogat het. Dispela nupela samting ol i painim i tok klia long wanem as tru na ol indai man i nogat het.


Long wan wan bodi ol i paini, ol i painim tu ol sel na arapela samting olsem ol ring i stap long bodi.

Dispela pot we het bilong man i stap insait em ol i bilasim gut tru na nem bilong man i mekim i stap long en.

Dispela em i wanpela bikpela samting tru ol i painim we ol akiolojis bilong Australia, Nu Silan, Frans na Nu Kaledonia we Profesa Spriggs i go pas long en. Ol i tok dispela man ol i painim em wanpela long ol namba wan pipel i bin kam sua long ol Pasifik ailan.

Dispela hap ol i dikim em ol i tok ol bai pinis long 5-pela yia antap. Profesa i bilip olsem dispela hap ol i painim bai winim olgeta arapela hap we ol i painim Lapita long en.

Long 2004, bun bilong 5-pela man i bin kamap long fiji tasol i gat planti skelim tingting i go het yet long en.





Raunwin soim pes...

DISPELA piksa i kam long wanpela setelait bilong Nesenel Osenik na Etmosperik Etministresen (NOAA) i soim Hariken o Raunwin Dennis i makim nambis bilong Galp long Yunaitet Stets bilong Amerika long namba 9 de bilong mun Julai. Gavman i bin tokim moa long 1 millien pipel long lusim ples bilong ol taim Dennis i wok long makim ol nambis ples long not westen Florida, Alabama na Misisipi long Sarere bihain long em i kilim 32 manmeri long Cuba na Haiti.



Spes manmeri...

KOMANDA bilong spes balus Discovery, Komanda Eiteen Collins (lephan) i go pas long kru bilong em taim ol i kamap long Kennedy Spes Senta long Cape Canaveral, Florida, Julai 9, 2005. Kru bilong en em Soichi Noguchi bilong Japan (sanap baksait), Pailot James Kelly, Andrew Thomas husat i bin bikpela long Australia, Charles Camarda na Wendy Lawrence. Ol dispela spes manmeri bai plai aut i go long spes long Trinde long dispela wik.



Stretim birua ples...

OL PAIA man bilong London long Inglan i redi long go aninit long graun long Kings Cross tren stesen na mekim wok painimaut tupela de bihain long ol bikpela bom i bin pairap long London siti long Julai 9. Foapela pairap i bin bagarapim sindaun bilong London taim ol manmeri i wok long resis long go long wok long Fonde moning las wik. Samting olsem 50 manmeri i bin indai.

REUTERS/Kai Pfaffenbach




Bikhet manki...

WANPELA yangpela Palestain manki i tromoi ston wantaim wanpela katapel i go long ol ami bilong Israel long wanpela bikpela protes we Israel, Palestain na ol arapela intanesenel manmeri i kamapim agensim bikpela banis i katim tupela kantri.

REUTERS/Laszlo Balogh

WOLNIUS WOLNIUS WOLNIUS



WOLNIUS WOLNIUS WOLNIUS



Smail...

TUPELA man i bin holim dispela hos long 'Rapa Das Bestas' long Cedeira, not-westen Spain, Julai 10, 2005. Long taim bilong sama, planti handret long ol wel hos we ol i bin bungim ol, ol i save katim gras na tel bilong ol bihainim kain kain stail long ol arapela ples insait long Galicia.
REUTERS/Miguel Vidal



Belhat...

PLANTI tausen manmeri bilong Kongo (Congo) i bin bung long autim bel kros agensim gavman we oposisen Yunion bilong Demokrasi na Sosel Progres (UDPS) insait long siti Kinsasa (Kinshasa) long Julai 9. Planti tausen manmeri bilong Kongo i bin bung long Sarere na autim belhat bilong ol long ilek-sen i no ron kwik long daunim bikipela woa o pait insait long kantri. Ol raiot polis man i bin putim was long ol bihain long ol bikipela bung long wik i go pinis i bin lukim sampela manmeri i bin indai. Samting olsem 20,000 sumatin na ol arapela manmeri i bin karim ol bikipela toktok agensim gavman na bung long namba wan bikipela stedium insait long Demokratik Ripablik bilong Kongo.



Meri autim kros...

WANPELA meri i penim skin na karim pepa i autim bel kros bilong em na ol arapela manmeri husat i go long Skotlen (Scotland) long Glasgow siti long Julai 8. Ol i autim belhat bilong ol i go long ol lida bilong 8-pela bikipela kantri insait long wol husat i bin bung.
REUTERS/Alessandro Bianchi



Bot bilong bebi...

OL POLISMAN bilong Saina i kisim dispela turangu bebi insait long wan-pela baket samting long wanpela bikipela taitwara i kamap insait long Sichuan provins, Julai 8. Ol bikipela taitwara i kamap bihain long bikipela ren i pundaun. Wanpela ten 8 (18) manmeri i dai na 8-pela i lus yet.
REUTERS/China Newsphoto

Hot bilong paia...

WANPELA paia man i ronawe long bikipela paia i bagarapim fores o bikipela lain diwai insait long Albergaria a Velha, wanpela ples i stap long not bilong siti Potugal (Portugal) long kantri Spain. Samting olsem 97 pesen bilong Potugal i stap long bikipela drai we strong bilong em i winim strong bilong ol arapela drai we kantri i bungim bipo.
REUTERS/Jose Manuel ribeiro



London seksek long bom pairap

LAS wik Fonde, 4-pela bom i bin pairap long London siti long Ingran. Moa long 50 manmeri i bin indai na 700 samting i bin kisim bagarap.

Dispela bikpela birua i bin makim tripela tren i save ron aninit long graun na karim ol manmeri i go kam. Wanpela bom i bin pairap antap long wanpela PMV bas

taim ol wok manmeri i wok long go long wok long moning.

Pablik trenspot sistem bilong London i bin bagarap na olgeta imejensi wok manmeri i bin kirap. Olgeta haus sik i bin pulap namel long taim ol bom i bin pairap na belo taim.

Tripela long ol bom i bin pairap long wankain taim long 8.50 long

moning.

Bikpela pret i bin painim ol pipel insait long London siti. Praim Minista bilong Ingran, Tony Blair i bin lusim wanpela bikpela kibung long go bek long London.

Planti kantri long wol i bin autim bikpela bel kros long dispela kain teroris pasin i bin kamap.



• Praim Minista Tony Blair i sainim Buk bilong Sore long Siti Hol long London.



• Vanessa Sykes, na poroman bilong em Caroline Hall i krai long poroman bilong ol Phillip Russel husat i bin indai long taim ol bom i pairap. Bondei bilong Phillip i bin kamap long Tunde long dispela wik.

The Media For Development Initiative: Management Board Membership Call

The PNG Media for Development Initiative (MDI) is a 5-year initiative funded under the Australia-PNG Aid Program. The strategy of supporting the improvement of media voice, content and access to assist in achieving the development goals of poverty reduction and good governance underpins the design of the MDI. The goal of the MDI is to support an open and democratic media that gives voice to all Papua New Guinea citizens, provides nationwide access to information and culture, and delivers development content for the benefit of the people. Its purpose is to increase the provision of quality media services that contribute to Papua New Guinea's stability and prosperity.

The first component will support activities in specified target areas to address problems of access, content and voice through a flexible and contestable funding mechanism. Media-related organisations and NGOs will be encouraged to submit proposals for projects in the target areas. The second component is focused on the NBC and strengthening that organisation's capacity as the national public broadcaster by building upon an existing partnership with the ABC.

The Media Council of PNG is the Managing Agent for the MDI and an Executive Director and Implementation Group will be responsible for the day-to-day operation of the MDI.

The management structure of the MDI comprises: a Charter Group, comprising AusAID, DNPRD and the Media Council as Charter Partners, which will provide high-level supervision in accordance with the MDI Charter; a Management Board, comprising the PNG Media Council (Chair), other Charter Partner representatives, the NBC and representatives from government, the media and civil society. The Management Board will be responsible for: developing the specific direction of the MDI; overseeing the preparation of the Annual Activity Plan and Budget for Component 1; providing feedback on directions set for the Annual Activity Plan for Component 2; assessing and approving proposals for assistance submitted by NGOs and media organisations; ensuring financial accountability; ensuring the development of performance indicators, measurement protocols and quality standards and; assessing performance of MDI activities.

The MDI is seeking nominations from Media Related and Civil Society organizations to fill four positions on its Management Board. The MDI charter specifies that two of the positions to be filled by media-related organizations while the other two by civil society representatives. All things being equal, organizations are encouraged to give special representative opportunities to women and other disadvantaged groups.

Contenders may contact the MDI Executive Director using the following address: Post Office Box 135, Port Moresby, NCD, Tel: 3200419 or 3200420 or Fax: 3210336; or e-mail media-council@online.net.pg or martinsyde@datec.com.pg
Nominations close 20 July 2005.

Polis painim ol man i pairapim bom

OLDITEKTIV o polisman long London i go pas long wok painimaut i tokaut olsem ol i ting i bin i gat 4-pela man Pakistani we mama i bin karim ol long Ingran i bin go pas long pairapim dispela 4-pela bom.

Ol i tok tripela long ol dispela man i bin indai taim ol i pairapim bom.

Ol dispela toksave i kamap bihain long polis i bin painim ol samting bilong mekim bom insait long sampela haus.

Wanpela sekyuriti man i tok dispela 4-pela yangpela man i bin kisim helpim long wanpela arapela man husat i bin lusim kantri pastaim long ol bom i pairap.

Polis i bin tokaut long ol samting ol i painim long Tunde long dispela wik.

Long Mande nait, polis i lukim TV piksa i

soim olgeta 4-pela saspek i bin bung wan-taim long London King's Cross las wik Fonde.

Olgeta i bin karim wan wan bek 20 minit samting pastaim long ol bom i bin pairap.

Tripela long ol i bin kisim tren long Leeds i go na senisim tren na go long London.

Painim ol man nogut

Polis i bin karimaut ol reid long ol haus long Tunde moning. Ol i tok ol i bin holim wanpela wan famili bilong 4-pela saspek insait long Yorkshire na kisim ol i go long London long painimaut moa.

Ol i bin painim sampela samting bilong bom i stap insait long wanpela ka long Luton relwei stesen we ol saveman i wok long pairapim ol liklik bom.



• Ol polis i lukluk painim ol evidens ausait long ples we ol bom i bin pairap.



• Wanpela meri i stop long sekim ol piksa bilong ol lain manmeri i lus yet bihain long ol bom i pairap.

Salvesen Ami helpim ol turangu long London

OL WOKMANMERI bilong Salvesen Ami i wok long go het long givim helpim na givim bel isi long ol pipel i bin kisim bagarap taim 4-pela bom i bin pairap long London long kantri Ingian.

Moa long 50 pipel i bin indai na planti handret i bin kisim bagarap bihain long ol bom i pairap insait long ol tren i ron aninit long graun na wanpela PMV bas long Fonde moning long wik i go pinis.

24 awa bihain long ol bom i pairap, wanpela Salvesen Ami imejensi ka i bin kamap long Russell Skwea wantaim ol wok manmeri na ol volantia husat i givim sapot, stia tok na kaikai long ol lain turangu. Olgeta arapela Salvesen tim i stap sambai tasol long helpim.

Wok painimaut long dispela bikpela bagarap i wok long go het yet na ol wok manmeri bilong Salvesen Ami i wok long givim bikpela helpim tru. Sampela Salvesen Ami opisa (ol ministra) i bin go wantaim ol dokta long kisim ol bodi bilong ol indai manmeri na ol arapela i stap long tok-tok wantaim ol pipel.

"Ol pipel i go insait long ol tanel aninit long graun i lukim sampela samting we i ken bagarapim tingting bilong ol," Salvesen Ami Opisa Meja Anne Read i tok. "Olgeta i wanbel long toktok strong long ol samting ol i lukim."

Salvesen Ami i kam aninit long ol imejensi rispons ples insait long London siti. Ol i bin redi na stap long King's Cross na Russel Skwea las wik. Ol i bin helpim wantaim ol imejensi sevis, strongim tingting bilong ol lain i kisim bagarap na helpim long karim ol manmeri i go bek long ples bilong ol inap biknait.

"Salvesen Ami i amamas long stap long sapotim ol imejensi sevis na pipel bilong London long dispela taim nogut," Leftenen-Kenel Vic Poke, Sief Seketri bilong Salvesen Ami Yunaitet Kingdom Teritori i tok. "Mipela bai go het long mekim olgeta samting mipela i ken mekim long helpim ol imejensi sevis, ol lain i kisim bagarap na ol famili bilong ol manmeri i lusim laip bilong ol."

Salvesen Ami Feit Haus Sosel Sevises

Senta, we i stap hapsait long King's Cross stesen tasol i bin helpim long ol imejensi sevis long hap. Ol i givim stia tok na kaikai. Bihain long namba wan bom i pairap, Menesa bilong Senta Kepten Estelle Blake i kisim wanpela askim i kam long tren


kampani GNER long helpim long givim ol hot kopi na ti long Feit Haus. Em i kisim askim long polis long helpim Bega King haus kaikai long givim hotpela kaikai na ol kol dring long ol imejensi sevis wokmanmeri insait long dispela imejensi eria.



• Wanpela wokmeri bilong Salvesen Ami i givim hot kopi long wanpela wanwok bilong em.



• Wanpela imejensi ka bilong Salvesen Ami i sanap long King's Cross.



• Wanpela wokmeri bilong Salvesen Ami i helpim wanpela meri bilong painim rot.

Public Notice

Media for Development Initiative: Vacancy Announcement Systems Support Manager

The PNG Media for Development Initiative (MDI) is a 5-year initiative funded under the Australia-PNG Aid Program. The strategy of supporting the improvement of media voice, content and access to assist in achieving the development goals of poverty reduction and good governance underpins the design of the MDI. The goal of the MDI is to support an open and democratic media that gives voice to all Papua New Guinea citizens, provides nationwide access to information and culture, and delivers development content for the benefit of the people. Its purpose is to increase the provision of quality media services that contribute to Papua New Guinea's stability and prosperity.

The MDI is seeking to recruit a qualified person to fill a position in the Implementation Group as a **Systems Support Manager**. The successful candidate will join the Implementation Group and boost its capacity in facilitating the implementation of Component 1 of the MDI and contribute to developing the capacity of the Media to increase access to information and participatory communications for development and democracy for all people in PNG.

RESPONSIBILITIES AND DUTIES:

The Systems Support Manager will support the Executive Director and the Implementation Group to implement Component 1 of the MDI. The incumbent will perform the following duties:

1. Administer the Activity/Project Bank Account, MDI contractors, other project finances and maintaining the project databases for the M&E and management information systems within the MDI.
2. Work with the Executive Director in preparing project and related activities, identify and manage risk and assess financial performance.
3. Establish, monitor and manage the financial and information management systems including budgeting for MDI grant system and projects/activities.
4. Maintain management information systems including:
 - a. Register of MDI assets
 - b. Project reports
 - c. Financial management
 - d. Training registers
 - e. Procurement guidelines and files
 - f. Vehicle use
 - g. Operational Plans
 - h. Logistic and communications
 - i. Other databases
5. Act as Secretary to the Implementation Group (and any ad hoc committees and working parties that may be established by the Management Board), ensuring the integrity of documentation, and that all follow up on project/activity is completed in a timely manner and within agreed policy.
6. Assist in the preparation of reports and other documentation as required
7. Assist the Executive Director in training other staff in office management, administration and MIS as needed.
8. Perform other duties as specified by the Executive Director.

REPORTING ARRANGEMENTS

This position reports to the Executive Director of the MDI

KEY SELECTION CRITERIA

- Effective team member in implementation and management of internal operations, systems and procedures;
- Advanced financial and information management skills
- Demonstrated ability to maintain manual and computer based monitoring and management information systems
- Effective computer skills in word processing, spreadsheet, Internet and financial packages
- A high level of initiative and a track record of achieving results
- Demonstrated understanding and experience in commercial and/or project financial management and control.
- Understanding of economic, social, cultural and political issues relevant to development assistance (aid programs), particularly in PNG.

Essential

- A University Degree in an appropriate discipline
- Minimum 4 years appropriate work experience
- Holder of a class 1 driving license

Applications close 20 July 2005

Contenders for the position may contact the MDI Executive Director for a fact sheet on the MDI and an application questionnaire through the following addresses:

Tel: 320419 or 3200420; Fax: 3210336; e-mail: mediacouncil@online.net.pg or martinsyder@datec.net.pg

WANTOK i Lukluk long ol Yangpela bilong Bogenvil i mekim belisi wok o pis long kamapim gutpela Bogenvil long bihain-taim...

Ol Yangpela Belisi Ambaseda laik kamapim gutpela Bogenvil

BOGENVIL i kisim **Otonomes Gavman pinis tasol i gat planti wok yet i stap long kamapim gutpela sindaun, wok strong long kamapim mani bilong lukautim Otonomes Bogenvil Gavman (OBG), stretim ples, kamapim belgut, belisi na sekan pasin na i go moa yet.**

Gutpela piksa kamap long Bogenvil we i soim olsem ol yangpela pipel i go insait long wok bilong kamapim bel gut, bel isi na sekan pasin. Dispela em bikos ol i laikim bai nupela Bogenvil i kamap taim ol lain i bin birua long hevi na ol i gat bel hat i lusim tingting long ol, sekan na stap gut long go het long wok long kamapim nupela Bogenvil aninit long nupela Otonomes Gavman.

Hubert Diou bilong Siwai long Saut Bogenvil na Aaron Kevon bilong Saposa Ailan long Buka Distrik em tupela yangpela man Bogenvil i wok nau long kamapim kalsa bilong pis o gutpela sindaun, bel isi na bel gut pasin i mas kamap namel long olgeta lain i bin birua long taim bilong hevi we bai pinisim olgeta bel kros. Na tu, strongim humen raits na jastis.

Wantok i bin bungim Hubert long Buka maket na stori liklik wantaim em.

Hubert na Aaron em tupela yangpela man husat i memba bilong grup, "Young Ambassadors for Peace" (YAFF). Dispela grup i kam aninit long Yunaiting Sios bilong Australia na i

save karimaut wok long ol ples we hevi olsem dispela long Bogenvil i kamap long en. Bikpela wok bilong ol em long stretim hevi, lukautim humen rait na divelopim pis kalsa we i sanap antap long jastis o gutpela luksave long olgeta manmeri olsem ol i stap long wankain level.

Grup i kirapim wok namel long ol yangpela pipel long olgeta hap bilong Bogenvil na Hubert i Kodineta bilong YAFF long Saut Bogenvil taim Aaron em i Kodineta long Sentrel na Not Bogenvil.

Dispela tupela man i kirapim wanpela opis long Tsiroge long Buka long 2003 na ol i operet long hap.

Bikos ol yangpela pipel long Bogenvil i bin statim hevi, i moabeta ol tu i mas stap insait long wok bilong stretim na kamapim bel isi na sekan pasin i bikpela samting we i mas kamap long Bogenvil i orait gut. Ol i kamapim ol wok aweanes na ol progremi bilong givim skul bai ol yangpela pipel i ken stretim ol hevi insait long komyuniti. Dispela em ol samting i sut long Bogenvil hevi, brukim sispai na ol hevi i stap yet long komyuniti.

Hubert i stori: "Bogenvil i kisim pinis bikpela pawa o otonomi long lukautim ol wok na pipel bilong em.

Tasol Bogenvil i mas kamapim bel gut na bel isi pasin. Hevi i bin wokim na kamapim birua namel long ol hauslain, poroman, hauslain na komyuniti.

"Long kamapim nupela

Bogenvil, em i mas rausim olgeta belkros, bel nogut na birua pasin.

Mipela i laik bai bel gut i kamap i bihainim kalsa. Mipela i wok long laik kamapim bel gut pasin long ol biknem birua pasin i bin kamap long Bogenvil hevi



• Hubert Diou em Kodineta bilong Yut Ambaseda bilong Pis long Saut Bogenvil. Foto: VERONICA HATUTASI



• Ol yangpela eks paitman bilong Buin i bungim ol gan bilong ol. Ol i sanap wantaim foma Bogenvil Gavana John Momis. Foto: FAIL PIKSA



• Ol skul pikinini i laik stap long Bogenvil i fri na i nogat moa hevi na pait. Foto: Veronica Hatutasi

na ol narapela tu. Dispela em long ol grup long Laguai long Buin we trabel i bin kamap na sampela PNG ami i bin dai long em. Na

bihain long dispela, hevi namel long ol pait grup i kamap na moa pipel we i gat long en sampela BRA pait lida i bin dai long en.

Narapela tu em long Ruhwaku long Siwai we ol hauslain, wanpisin na komyuniti i bin birua na sindaun nogut na dai i bin kamap.

"Sekan na bel gut pasin i mas kamap long Tumbuna pasin we i mas i gat ol pik, selmani samting long mekim kamap.

Mipela i bin kisim sampela mani helpim long bipo Bogenvil Gavana John Momis na Yunaiting Sios long karimaut dispela wok. Mipela i kisim ol yangpela long ol bikpela na liklik sios long stap insait long progrem.

Mipela i givim trening long karimaut wok aweanes i sut long stretim ol hevi insait long komyuniti we i sut long Bogenvil hevi, brukim sispai

ia na ol arapela sosel hevi insait long komyuniti," Hubert i tok.

Em i tok progrem i givim save tu long ol sios woka save long stretim hevi bikos planti bilong ol i stap insait long wok bilong kamapim bel isi pasin.

Em i tok ol sief na ol bikman long komyuniti i makim ol yangpela husat i go insait long wok bilong ol YAFF.

Em i tok progrem bilong ol i helpim tu ol yangpela bilong redi long ol wok bai ol i mekim long famili na komyuniti.

Em i givim ol billip tu olsem ol i gat wok long mekim na ol i no samting nating. Dispela em bikos hevi long Bogenvil i bin karamapim ol na tingting na laip bilong ol i narakain.

Hubert na Aaron i stap pinis long sampela bikpela bung i sut long wok bilong ol long Australia na Fiji.

SeBeats i pairap

Shirley Lei (CHM) i raitim

NAU yet ol i stap namba wan long sait bilong salim ol musik albam. Na nau ol i abrusim pinis mak bilong wanpela arapela stail manki bilong PNG musik, DadiiGii. Ol manmeri i no save les long harim dispela albam nau i kam long SeBeats bilong Sepoe.

Pastaim long SeBeats i bin stat rekodim musik wantaim CHM, tupela kasen bilong ples Sepoe, Steven na Gibson i save bung long taim bilong malolo long skul na Gibson i save skulim Steven long pilai gita na ol arapela kain kain musik masin.

Ol i save sindaun singsing, raitim ol singsing na pinisim laik tru long musik.

Tupela kasen i bin bung wantaim Basil Blitz Gregg na Robert Oeka long wan wan taim long raitim ol singsing.

Taim ol i helpim dispela tupela biknem musik atis insait long kantri, Steven na Gibson i kisim sapat long Robert na Basil long raitim albam bilong ol yet.

Long dispela taim i kam inap nau, Gibson na Steven i statim ben bilong ol SeBeats of Sepoe na rekodim namba wan albam

bilong ol, 'Mangi Sebeats' long 1995 aninit long CHM Supersounds rekoding nem.

Wok bilong rilisim wanpela nupela albam i kam long ben i nogat nem yet em i hat wok tru, long wanem nogat man i save long yu o musik bilong yu, na yu mas wok hat long apim nem bilong albam bilong yu o kisim sapat long ol redio stesen long pilaim musik bilong yu.

Na maski namba wan albam bilong ol i no bin mekim gutpela nem, tupela i no lusim bilip bilong ol long mekim nem.

Bihain ol i lukim olsem ating ol i mas tromoi hap musik bilong tude i go insait long ol singsing ol i rilisim long namba tu albam bilong ol aninit long CHM we ol i kolim 'Mangi Siri Siri' o doti manki.

Dispela singsing i karim nem bilong SeBeats i go antap gen insait long nesen na em i kamap wanpela bikpela hit long 100% Supa Hits redio program long Yumi FM.

Sapos yu wokabout long rot, bai yu harim ol liklik pikinini i singsing Mangi Siri Siri na Tei Kariko.

Na nau SeBeats i lukluk long rausim namba tri albam bilong ol. Steven na Gibson i bilip olsem namba tri albam bilong ol bai

bikpela moa yet.

Ol singsing em ol i singsing long ol kain kain tok ples i kam long ol kain kain provins olsem Sentral, Daru, Goroka na Galp provins. Wanpela spesel sentimental singsing bai go long tingim bek ol lain turangu i bin lusim laip na kisim bagarap long Sunami i bin kamap long Aitape.

Sebeats bai lonsim namba tri albam bilong ol long Stargazer Klub long Pot Mosbi long dispela wik Fraide.

Lukim ol manki i pairapim ol singsing bilong ol i kam yet long ol arapela albam bilong ol na em bai sans bilong ol lain manmeri long harim ol nupela singsing bilong ol.

Sebeats ben i tok bikpela tenkyu tru long Lista Laka husat i bin stretim albam bilong ol na bikpela luksave tru ol i givim long ol sapat na lain pipel i save laikim musik bilong ol insait long kantri.

Gibson i tok, "Bikpela luksave i mas go long CHM long givim sans long ol PNG atis na ben wankain olsem mipela tasol long mekim nem."

Em i soim kliia olsem sapos yu wok hat, olgeta bai i no inap tingting planti sapos yu gat strongpela bilip long lewa bilong yu stret.

TOKSAVE: Glasim Musik wantaim JK bai kam bek neks wik wantaim moa stori long PNG Musik na Ats.



• SeBeats Vol 2 albam i kam gut i stap.

Luksave long ol as ples Australia

LONG 3 i go inap namba 10 de bilong mun Julai, olgeta Australia manmeri long olgeta hap long wol i save givim luksave long ol as ples Australia manmeri na wok ol i mekim long kantri.

Dispela i save kamap aninit long nem National Aboriginal and Islander Day Observance Committee (NAIDOC) wik.

Dispela wik em i taim bilong ol as ples Australia long apim nem na strongim pasin tumbuna na kalsa. Het tok bilong NAIDOC wik long dispela yia em 'bihain taim bilong yumi i stat wantaim solidariti'.

Long Pot Mosbi, Australia Hai Komisina i bin kamapim wanpela poto eksibisen o so we i soim 40 poto piksa long 4-pela bikpela Aboriginal na Torres Stret Ailans kalsa festival.

Ektim Hai Komisina Crispin Conroy, husat i opim dispela eksibisen, nem bilong em 'Kickin' Up Dust, i tok NAIDOC wik em i sans bilong ol arapela manmeri bilong Australia na ol pipel bilong ol arapela kantri long lainim moa na givim luksave long bikpela wok ol Aborijini na Torres Strait Ailan pipel i mekim.



Singsing long sevim ol dugong...

BIKNEM musik atis bilong PNG, Patti Potts Doi (sindaun namel) wantaim ben bilong em bai stap long Kimbe long dispela wiken long promotim nupela musik CD we i lukluk long strongim sindaun bilong ol dugong o kau bilong solwara. Ol dispela dugong i save pulap long Kimbe. Potts i wok bung wantaim opis bilong The Nature Conservancy long Kimbe Bay husat i save wok long lukautim na banisim solwara long Kimbe Bay na lukautim ol dugong.



• Terry Waia bilong Torres Strait Rijinel Atoriti i soim wanpela poto bilong Kickin Up Dust poto eksibisen long Deputi Hai Komisina Crispin Conroy na Dairekta bilong Nesenel Museum na Art Gallery, Soroi Eoe.

EMTV GAID

Table with EMTV GAID schedule, listing times and program names such as STATION OPEN, JOYCE MEYER, NATIONAL NINE NEWS, etc.

Raun wantaim Kanage olgeta wik



Table titled 'YUMI FM NATIONAL WEEKLY HITPARADE Sarere Julai 16, 2005' with columns for Singing, Musik Atis, and Dispela Wik, listing songs and artists.

CATHOLIC RADIO 103.5 FM

Table with CATHOLIC RADIO 103.5 FM schedule, listing times and program names such as ANGELOUS, MEDITATION/INSPIRATIONAL MUSIC, VATICAN WORLD NEWS, etc.



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Calamus (kanda)



longpela name bilong em. Sampela i gat wanpela bikipela bun na sampela i gat planti kain kain bung. Bikipela bilong namel bilong em i ken i groa inap 10 cm. Ol lip i gat na i nogat longpela bun. Wan wan plaua i save kamap long bikipela bun bilong em.

Ples we em i save groa: Wan wan spisis i save groa long wan wan kain graun em i save laikim. Planti spisis i save groa insait long ol bikipela diwai fores na i save groa long planti strongpela graun i go inap long 3000 mita.


Yu ken yusim: Ol bikipela bun bilong en em yu ken yusim long mekim ol kanda sia, tebol, ol mat, basket na rop. Ol yangpela kru bilong en bilong wan wan spisis bilong kanda em yu ken kaikai.

Ol ples em i groa: Afrika, Sri Lanka, Sauten Saina, Malay Akipelago i go long Australia na Westen Pasifik na Fiji. Bikipela namba bilong jenera na spisis i stap long westen Malaysia.

Nem bilong en: rattan, kanda, rotan (Ins, Mal)

Ples diwai i kam long en: Samting olsem 600 spisis bilong ol pam i save bihainim diwai we 400 bilong ol i kam aninit long Calamus. Ol arapela bikipela diwai i stap long Saut Is Esia.

Wanem kain diwai: Em i wanpela bun diwai we i save kalap bihainim ol diwai pam we i gat



McCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai."

Oro provins i gat sans long Okari bisnis

Maisan Pahun i raitim

PLANIM ol kaikai i gat maket na mani bilong em i gutpela samting na tu planti manmeri i ken wokim.

Tasol sapos yu laik planim ol tumbuna ples kaikai long wokim bisnis em bai hat liklik bikos bai i gat planti hat wok long mekim. Nesenel Agrikalsa Risets Institut (NARI) long Keravat, Is Nu Briten provins i go pas wantaim Yuropien Yunien (EU) long wanpela agrikalsa projek bilong opim maket bilong ol kes krop olsem ol tumbuna prut na nat.

Wanpela tumbuna diwai na ples kaikai bilong planti ol nambis ples em Okari nat we i save groa go antap olsem 30 mita na i strong moa yet. Ol lain long Tufi eria insait long Oro provins i save yusim dispela diwai long planti kainkain wok. Okari nat i save groa long kantri olsem Papua Niugini, Indonesia, Solomon Ailan, Esia, Pasifik na Sri Lanka.

Kaikai bilong dispela diwai em i waitpela na i bikipela olsem bikipela



Mit bilong okari nau i kamap bikipela samting bilong salim long maket.

pinga long han we i stap insait long sel bilong em. Dispela prut i gris na planti manmeri i save laikim. Long Oro province yet i gat tupela kain Okari diwai.

Wanpela saintis bilong NARI Mathew Poienou i lukautim dispela komesel projek bilong okari nat. Long mun i go pinis em i bin go long Tufi distrik insait long Oro provins long karim aut wanpela wok painimaut long wanem rot Okari i ken wok long risets na strongim kamap bilong bisnis i go bek long halivim ol lain long ples.

Long Oro yet ol manmeri i save yusim okari

long planti samting. Bipo em ol i save yusim long timba, na tu sampela ples em ol i save yusim long tumbuna pasin bilong ol olsem

maket. Na tu long dispela rot ol i save bungim okari nat long wokim pasin tumbuna olsem baim meri o kastom wok nabaut," Mista



Wanpela okari nat na insait bilong em i gris na nais tru long kaikai.

baim meri, senisim wantaim kaikai bilong solwara. Na tu long sampela ples sapos yu gat planti okari diwai em yu gat biknem namel long ol hauslain.

Mista Poienou i tok long wok painim aut em i kamapim em i lukim olsem i nogat wanpela rot i stap long kamapim gut dispela okari bisnis.

"Long wok painim aut mipela i lukim olsem ol ples lain i save bungim okari long wanpela yia na bihain yusim long kaikai o salim long

Poienou i tok.

Insait long wok painimaut tu Mathew Poienou i painim aut olsem long Saipore ples insait long Tufi distrik i gat tripela kain Okari nat i stap. Nem bilong ol em "Afiu, Fujika na Ofeu."

Dispela wok bilong painim aut wei bilong wokim bisnis long ol diwai prut na nat insait long kantri em NARI Keravat i go pas long kamapim wantaim halivim i kam long Australia gavman, EU



Saintis Mathew Poienou i soim ol okari prut long Oro provins.

**Cat® 320C
322C,
325C
330C**

Forestry Machines



Caterpillar® quality from undercarriage to grapple.

Specifically designed and built forestry machines, from log loading front linkages, forestry cabs, counterweight fuel tanks, catwalks and a variety of other special logging options are designed by Caterpillar to provide reliable, durable operation in the logging environment.

330C FM Heel Boom
Under/Under 13.1 m (43') Reach
and standard 850 mm (34") track

Full Caterpillar warranty, Caterpillar parts support and fast, easy machine maintenance are all part of Caterpillar and Hastings Deering's service commitment to the forestry industry.


Hastings Deering



Product People Commitment.
We deliver.

PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LHIR	986 4105	986 4107
KIMBE	983 5144	983 5144



Radio Australia
101.9FM Port Moresby

Tok Plain Service
6am - 7am : 8080; 7240(KHZ)
7pm - 9pm : 5995; 6020; 9710; 1280(KHZ)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

MANDE Morning	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	7PM Stesen Op
7.01PM	Oi Hetlain na Program Priviu
7.15PM	Spots
7.30PM	Nius na Karen Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Morning	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE Morning	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Morning	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Morning	6AM Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	7PM Stesen Op
7.01PM	Oi Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	Nait
7PM	Stesen op - Oi Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE	Nait
7PM	Stesen op - Oi Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Radio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

WOL NA PASIFIK NIUS



Polis long Britain mekim wok painim long bom pairap

OL polis long Briten i lukluk i go long las wik bom-pairap long Sentral London i bin tok olsem wangepa long ol lain i bin kamapim birua i bin dai long dispela ol bom-pairap long Aldgate stesen. Oi i wok long lukluk sapos ol arapela tripela

boma i bin dai tu. Polis i bin tokaut tu long holim pasim wangepa man long West Yorkshsire long not bilong England, bihainim dispela birua. Oi i bin painim tu sampela documen bilong ol boma long ples ol bom i bin pairap long en. Dispela birua i bin kilim samting olsem 52 pipel na 700 arapela i bin kisim

bagarap Polis i tok ol boma i bin kam olsem long West Yorkshire i go long London na "close circuit televisen" i bin kisim piksa bilong ol long Kings Kros trein stesen.

Blair tok ol no ken larim ol birua pasin winim ol

PRAIM Minista bilong Briten, Tony Blair, i bin tokim House of Commons, olsem Britain i stap bung na strong long tingting bilong en long ol stopim ol birua i no ken winim em. Namba bilong pipel ol i save nau i dai long ol birua bilong teroris long wik i go pinis long London i go antap long 52 na polis i stat pinis long tokaut long nem bilong ol dispela i dai. Oi sutim tok long ol dispela birua i go long ol Islamic grup i wok wantaim al-Qaeda.

Australia bai salim ol soldia i go long Afghanistan o nogat?

PRAIM Minista bilong Australia na Minista bilong Difens bai tokaut tude sapos ol soldia bilong Australia bai go long Afghanistan o nogat. Federel Kabinet na Nesenel Sekyuriti komiti i bin bung long Canberra long paitim tok long hamas soldia tru Australia bai salim i go. Oi lain spesel fos bilong Australia i bin lusim Afghanistan na kam bek long ples long 2002. Tasol i gat planti askim i wok long kamap long ol soldia i mas go bek, we ol pait na trabel long kantri i wok long go bikpela na ol dispela askim long Australia long salim gen ol soldia bilong em i bin kam long Briten, Amerika na Afghanistan yet. Na i bin gat sapot i kam long Leba pati long gavman i mas salim ol soldia.

long holim wangepa nesenel straik inap long samting olsem pinis bilong dispela wik. Tasol Sekretri bilong Yunien, Tony Kagovai i bin tok yunien i wok long wetim gavman long givim ol tok klia long raitim olsem dispela Fan, em i bilong helpim ol wokman olsem sosel sekuriti bilong ol gavman noken yusim long mekim ol arapela wok long en

go antap, bihainim klostu long 100 ol guria long wiken. Dispela maunten paia i stap long Not bilong Yogyakarta city insait long Sentral Java provins i bin kamapim moa long 95 ol guria stat long Fraide na dispela i mekim ol atoriti long givim tok lukaut long pablik long was gut nau long Merapi volkeno. Oi guria i bin kamapim ol tingting pret namel long ol pipel long Noten hap bilong dispela volkeno. Oi opisel i bin tokim ol pipel long hap long was gut na redi long muv taim ol toksave long ol long muv. Maun Merapi volkeno i stap klostu long 3,000 mita antap na em i bin tok maunten paia ya i wok long mekim ol nois insait long las 4-pela yia.

Australia na Filipins sainim wokbung

AUSTRALIA i bin sainim wangepa Agrimen wantaim Filipins bilong helpim na strongim ol pait agensim kain pasin bilong salim hait moni i go i kam o mani londering. Dispela agrimen bai larim ol atoriti bilong tupela kantri long tilim or givim ol hait ripot bilong fainens i go i kam bilong helpim tupela long pasim rot bilong ol stil mani i go long ol teroris operesen insait long Esia Pasifik rijen. Jastis na Kastom Minista bilong Australia, Chris Ellison i tok dispela agrimen bai mekim hat long ol dispela kain lain long hait na mekim wok bilong ol.

Solomons ripot i tok amamas long RAMSI

HETMAN bilong Rijinel Asistens misin i go long Solomon Ailan i tok misin ya bai stap yet long kantri taim em i gat nid bilong go hetim na helpim Solomon Ailan pipel i go hetim na kontrol ol samting bilong ol. Spesel Kodineta James Batley i mekim dispela tokaut taim wangepa ripot bilong Intavensan Fos i kam aut long luksave bilong en long sekuriti bilong kantri. Mista Batley i tok ripot bilong wangepa Pasifik Eminent Persons Group i givim strongpela luksave na amamas long wok bilong RAMSI.

Oi Saintis apim mak bilong tok lukaut

OL SAVEMAN o Sientis bilong Indonesia i bin apim mak bilong ol tok lukaut bilong Maun Merapi maunten paia antap long Java ailan i

Tred Yunien na gavman opisel long Solomon Ailans bai toktok

LONG Solomon Ailan, ol mausman bilong tred na yunien na gavman i wok long redi nau long bung long tok-tok long wari bilong ol yunien long bihain taim bilong Nesenel Providen Fan bilong kantri. Pastaim long dispela toktok, Solomon Ailan Tred na Yunien muvmen i bin pasim pastaim tingting bilong em

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG

PNG Ragbi Futbol Lig SP Kap
Sande 17/07/05
3:00 Bombers vs Gurias Lae
3:00 Broncos vs Mioks POM
3:00 Bulldogs vs Muruks Goroka
3:00 Lahanis vs Cowboys Goroka

Madang Ragbi Lig

Ron Albert oval
Sarere 16/07/05
9:00 Brothers vs Hawks U17
10:00 Warriors vs Norths U17
11:00 Ramu vs Wau/Bulobo
Nztu19
12:00 Madang vs Lae Nztu19
2:00 Ramu vs Wau/Bulolo NZT A
4:00 Madang vs Lae NZT A
Sande 17/07/05
9:00 Panthers vs Royals U17
10:00 Brothers vs Hawks U19
11:00 Lusa G1 vs Lusa G2
Nztu19
12:00 Wina G1 vs Wina G2
Nztu19
1:40 Lusa G1 vs Lusa G2 NZTA
3:20 Wina G1 vs Wina G2 NZTA

SOKA

POT MOSBI SOKA

Sarere Julai 16, 2005
Bisini 1
08:00 UBOG vs Tawala D2
09:30 Souths Utd vs LBC Defence U21
10:30 Los Negros vs Souths Utd W1
11:50 Sobou vs Raitman D3
13:10 PS Rutz vs Telikom WP
14:20 Kurti Andra vs Rapatona Premier
Bisini 2
08:00 Souths Utd vs LBC Defence P/Res
09:30 PS Rutz vs Sunset U21
10:30 Los Negros vs Mungkas D1
11:50 University vs Mirel Momase U21
13:10 PS Rutz vs Sunset Premier
14:20 Blue Kumuls vs Cosmos Premier

SJGS - Oval 1

08:00 Jaha vs PNG Gardener D2
09:20 Kurti Andra vs Rapatona P/Res
10:30 Bavaro ko vs POM BusColl U21
11:50 Maset v KB Utd D3
13:05 Badili Utd vs Mungkas U21
14:20 Tawala vs Sobou W1

SJGS - Oval 2

08:00 Jaha vs Naniu W1
09:20 University vs Mirel Momase P/Res
10:30 Fernor vs Tarangau D2
11:50 Cellnet vs Sobou U21
13:05 Bomana PC vs Yawata D3
14:20 KB Utd vs Moonbi D3

Sande Julai 17, 2005

Bisini 1
08:00 Blue Kumuls vs Cosmos U21
09:20 Kurti Andra vs Rapatona U21
10:30 Cellnet vs Manambu D1
11:50 Ela Utd vs Bavaro ko D1
13:10 Badili Utd vs Murat D1
14:20 Rapatona vs PNG Gardener WP
16:00 University vs Mirel Momase Premier

Bisini 2

08:00 Blue Kumuls vs Cosmos P/Res
09:20 Guria vs WMI WP
10:30 Naniu vs Pacifica Utd D1
11:50 PS Rutz vs Sunset P/Res
13:10 Mungkas vs Sunset W1
14:20 University vs Murat WP
16:00 Souths Utd vs LBC Defence Premier

SJGS - Oval 1

08:00 Guria vs Markham Yarangs U21
09:20 Yawata vs Moonbi D3
10:30 Sobou vs Badili Utd U21
11:50 Los Negros vs Manambu U21

SJGS - Oval 2

08:00 Mopi Soweto vs Zombie D3
09:20 Korion vs Orogen D2
10:30 Telikom vs Lus Prutz D2
11:50 University vs Souths Utd P/Res
13:05 LBC Defence vs M/Soweto W1
14:20 Bavaro ko vs M/Yarangs U21
16:00 Nomads vs M/Yarangs D3
Bye: Guria (D1); Lamana GFN (WP); Verave (D2)

EVADAHANA SOKA ASOSIESEN

Sarere Julai 16, 2005
ESA 1
08:00 Simbai Utd vs Saphire D2
08:40 Wasu Crabs vs Natara meri
09:20 Finka vs Graveside Res
10:00 Country Roots vs TKSS D3
10:40 Batisalem vs Texas meri
11:10 Nen Konok vs Wopa Utd D2
11:50 BS Natives vs Junction D1
12:40 Sulu vs Nalas D1

13:20 Junction vs Kilengs meri
14:00 Names vs Kilengs Res
14:40 Simbai vs Batisalem D3

ESA 2

08:00 Graveside vs Simbai Utd meri
08:40 BS Natives vs Siale Res
09:20 K-Imindos vs Wasu Crabs D3
10:00 Outsiders vs Raitopos D2
10:40 K-Top Mahnduz vs Notna meri
11:10 Sulu vs Res
11:50 K-Top Mahnduz vs C-Roots D2
12:40 Namagawi vs Natara D1
13:20 Saphire vs K-Imindos meri
14:00 Gara Utd s Nen Konok meri
14:40 Siale vs Texas D1

Sande Julai 17, 2005

ESA 1
08:00 K-Top Mahnduz vs Kilengs meri
08:40 Saphire vs Wopa Utd D3
09:20 Wasu Crabs vs Natara D2
10:00 Finka vs BS Natives Res
10:40 Country Roots vs Siale meri
11:10 K-Top Mahnduz vs Brothers D2
11:50 Graveside vs Gee Neps D1
12:40 Namagawi vs Nalas D1
13:20 Gara Utd vs Sulu Res
14:00 AGM Roots vs Finka meri
14:50 Notna vs TKSS D3
15:40 Texas vs D1

ESA 2

08:00 Outsiders vs Simbai Utd D3
08:40 Batisalem vs K-Imindos meri
09:20 Nen Konok vs Country Roots D2
10:00 Liwale vs Junction Res
10:40 AGM Roots vs K-Imindos D3
11:10 Dogura Rats vs Texas meri
11:50 Natara vs Kilengs D1
12:40 Saphire vs Batisalem D2
13:20 Notna vs Simbai Utd meri
14:00 D-Rats vs Gaia Konok Res
14:50 Siale vs Finka D1
15:40 Wasu Crabs vs Raitopos D3

ORO SOKA

Sarere Julai 16, 2005
07:30 Mambus vs Tufi Fjords MB
08:20 Papas vs Ottas MB
09:10 Asumnaiyes vs Ormilats MB
10:00 Diwune vs Ehekombu MB
10:50 T/Pongoros vs Zandas MB (w/o)
11:40 Songe vs Saipex W
12:20 Bokoro vs Diwune W

1:00 Mamas vs Zandas W
1:40 Songe vs Saipex MB
2:30 Bokoro vs Zandas MB
3:20 Jamata vs Ottas W
4:10 T/Pongoros vs Zandas MA (w/o)

Sande Julai 17, 2005

07:30 Tamata vs Musa MB
08:10 T/Pongoros vs Kumusi MB
08:50 Asumnaiyes vs Hillside W
09:30 Musa vs Ormilats W
10:10 Tufi Fjords vs Mambus W
10:50 Beda vs Hillside MB
11:30 Songe vs Saipex MA
12:20 T/Pongoros vs Kumusi MA
1:10 Tufi Fjords vs Mambus MA
2:00 Asumnaiyes vs Ormilats MA
2:50 Musa vs Tamata MA
3:40 Beda vs Hillside MA
4:30 Bokoro vs Zandas MA
5:20 Diwune vs Ehekombu MA

BASKETBOL

CBL

Hohola Kot
Sarere 16/07/05
Kot 1
8:30 Jazz vs Tamaraws U19B
9:30 Jazz vs Tamaraws U19G
10:30 Jazz vs Tamaraws RW
12:00 Jazz vs Tamaraws RM
1:30 Jazz vs Tamaraws AW
3:00 Jazz vs Tamaraws AM
Kot 2
8:30 Exodus vs Souths U19B
9:30 Exodus vs Souths U19G
10:30 Exodus vs Souths RW
12:00 Exodus vs Souths RM
1:30 Exodus vs Souths AW
3:00 Exodus vs Souths AM

Sande 17/07/05

Kot 1
8:30 Muruks vs Titans U19B
9:30 Muruks vs Titans U19G
10:30 Muruks vs Titans RW
12:00 Muruks vs Titans RM
1:30 Muruks vs Titans AW
3:00 Muruks vs Titans AM
Kot 2
8:30 Birdwing vs Chariots U19B
9:30 Birdwing vs Chariots U19G
10:30 Birdwing vs Chariots RW
12:00 Birdwing vs Chariots RM
1:30 Birdwing vs Chariots AW
3:00 Birdwing vs Chariots AM
Bai: Saints

VOLIBOL FAIRFAX

Sarere Julai 16, 2005

Kot 1 (meri)
08:30 Frenz vs Freeway Hox WA
09:30 Trans HiWay vs Badili Hides WA
10:30 Esi Loan Neibas vs 14 Mixers WA
11:30 Dolphins vs Trans HiWay WA
12:30 Yonkies vs Telikom WA
1:30 Arnotts vs Freeway Hox WA
2:30 Lagoons vs Fire Fox WA

Kot 2 (meri)
08:30 Telikom vs Badili Hides WAR
09:30 Kakidos vs TI Doria WAR
10:30 14 Mixers vs Arnotts WAR
11:30 Trans HiWay vs Fire Fox WAR
12:30 Dolphins 2 vs Wet WAR
1:30 Dolphins 1 vs Seeto Kui WAR
2:30 Yonkies vs Freeway Hox WAR

Kot 3 (man)
08:30 Badili Hides vs Kakidos MAR
09:30 Lagoons vs Freeway Hox MAR
10:30 Dolphins vs Moukele MAR
11:30 14 Mixers vs Yonkies MA
12:30 Fire Fox vs Moukele MA
1:30 Kakidos vs TI Doria MA
2:30 Lagoons vs Frenz MA

Kot 4 (man)
08:30 Frenz vs Fire Fox MAR
09:30 Esi Loan Neibas vs Arnotts MAR
10:30 Telikom vs Wet MAR
11:30 14 Mixers vs TI Doria MAR
12:30 Freeway Hox vs WET MA
1:30 Dolphins vs Esi Loan Neibas MA
2:30 Telikom vs Arnotts MA
3:30 TI Doria vs WET MA

Toksave


Sapos yu laik putim spot dro bilong yu long Wantok Niuspepa orait salim i kam long feks namba 325 2579, email word@global.net.pg o ringim Wantok Spot Des telepon namba 325 2500.



• Is Nu Britan gavana Leo Dion i givim K5000 sek mani i go long NGI volibol tonamen dairekta Willie Masiu long taim mesa sponsa Peter Sharp i sanap na lukluk i stap. Foto: ALOYSIUS LAUKAI



• Sampela ol memba bilong Team PNG husat i laspela bung bipo long tim i go long Palau mini Saut Pasifik Gems long pinis bilong dispela mun. Ol i bung long Lamana Gold Klub long dispela wik. Foto: ANDREW MOLEN



• **Bal we?** Pilaia bilong Dockers i kirap nogut tru taim Chris Lagisa bilong Moresby i takolim em bihain tasol long em i kikim bal i go. Dispela pilai i kamap long Colts graun long POM AFL pilai.




• **Wina!** Liklik Jordan i sindaun long sait bilong kanu bilong papa bilong em we i gat nem bilong em "Jordan" we em i win long C gret long Ela Bis Praim Minista kanu resis long las Sarere.



• **Kam kisim:** Alphonsa Kurabi bilng PS Rutz i traim long abrusim pilaia bilong Yuniversity long Pot Mosbi soka A gret pilai long Bisini long wiken. Yuniversity win 1-0.



• **Meri nogut.** PNG Pepes gol suta Lua Mavara i sutim bal i go insait long ring long taim tim i pilaim wanpela trael pilai wantaim Mosbi selek sait long redim em yet long Palau mini Saut Pasifik Gems.



• **Go insait:** Titan pilaia makim na kalap long putim bal i go insait long ring long taim tim bilong em i pilai wantaim Birdwing long Kapitol Basketbol Lig (CBL) pilai, Hohola Kot. Birdwing win 44-32.



• **Nogat yah:** Ol pilaia bilong Maruone i tok long pilaia bilong Pore Vavine long taim ol i pilai long NCD volibol resis long Taurama Lesa Senta i no long taim i go pinis. *Ol foto: ANDREW MOLEN.*



• Braith Anasta (rait han) bai lusim Bulldogs na stap aninit long nupela man em Sydney City Roosters na NSW Blues kosa Ricky Stuart (lep han) stat long 2006.

• Sydney City Roosters long Tunde dispela wik i sainim tri-yia kontrak wantaim faiv-eit bilong NSW Blues Braith Anasta (rait han i sindaun wantaim Roosters na Blues kosa Ricky Stuart na Andrew Johns) we em bai pilai wantaim Roosters long 2006 i go inap 2008. Em i mekim bikipela wok tu long helpim ol Blues i winim Maroons 32-10 long laspela Stet ov Orijin pilai las wik. Em i gat bilip long dispela tingting. "Tingting bilong mi em long wok wantaim NSW na Roosters kosa Ricky Stuart," em i tok.


Raun 19

Fraide, Julai 15- Panthers vs Bulldogs. Yu ken lukim long EMTV long 8.30 long nait.

Sarere, Julai 16 -
Roosters vs Warriors
Cowboys vs Rabbitohs
Sharks vs Knights

Sande, Julai 17 - Sea Eagles vs Dragons. Yu ken lukim dispela long EM TV long 4:00-6:00 avinun.

Raiders vs Eels
Broncos vs Storms
Bai: West Tigers



• Kwinslen fowet Ben Ross i gat tingting pinis long sainim nupela kontrak na pilai wantaim Melbourne Storms long narapela sisen na dispela saining bai kamap liklik taim bihain tasol.



• St George Illwara kepten Trent Barrett i luk olsem bai i no inap kisim sas bilong rap pilai em i kamaim long pilai bilong ol wantaim Parramatta Eels husat i winim ol long las Fraide pilai.

• Niu Silan Warriors kosa Tony Kemp i holim yet bilip bilong em long tim bilong em we i bin lus long liklik poin long ol Bulldogs 26-24 long taim tupela i pilai long Auckland, Niu Silan las Sarere. Na olsem em bai i no inap mekim senis long lain ap bilong em long taim ol i bungim Roosters long dispela Sarere. "Mi mekim gen long lus long liklik poin we i mekim mipela i abrusim tu poin (bilong tebol leta," Kemp i tok. "Mipela i save dispela ol pilaia inap go moa long strong bilong ol. Na mipela i lukim dispela bihain long ol i winim Brisbane Broncos.



• Brisbane Broncos mailston man Brad Thorn i tok em i lukluk isi i go insait long banis bilong Melbourne Storms long painimaut kain asua em ol Storm i save mekim isi. Em i tok ol Broncos i redi pinis long wanem kain pilai ol bai kamapim long narapela tupela mun. Nau yet ol Broncos i go pas long NRL kompetisen we ol i stap foapela poin long we long Parramatta husat i stap bihain long ol. Tasol dispela tupela mun em bai bungim sampela strongpela tim olsem Bulldogs, Sea Eagles, St George Illwara na Roosters. Sapos Broncos i go pas olsem em i go pas long em ol bai kamap maina premia. Na long redim ol yet Broncos kosa Wayne Bennett i kisim Casey McGuire (lep han) long kisim ples bilong Barry Berrigan husat i kisim bagarap long lek bilong em we inap kisim eitpela wik long kamap orait.

NRL Poin Lata (after rnd 15)

Klab	P	W	D	L	B	P/D	Pts
1 Broncos	16	13	0	3	2	145	30
2 Eels	17	12	0	5	1	143	26
3 Storm	17	10	0	7	1	202	22
4 Cowboys	16	9	0	7	2	65	22
5 Sea Eagles	17	10	0	7	1	3	22
6 Sharks	16	9	0	7	2	-14	22
7 Roosters	16	8	0	8	2	25	20
8 Dragons	17	9	0	8	1	20	20
9 Wests Tigers	17	9	0	8	1	-5	20
10 Raiders	16	8	0	8	2	-55	20
11 Bulldogs	16	7	1	8	2	-33	19
12 Warriors	17	7	0	10	1	25	16
13 Panthers	17	6	0	11	1	-28	14
14 Rabbitohs	17	4	1	12	1	-215	11
15 Knights	16	2	0	14	2	-278	8


* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Hazem El Masri	Bulldogs	162
2. Brett Hodgson	Sharks	158
3. Michael Witt	Sea Eagles	134
4. Luke Covell	Sharks	128
5. Preston Campbell	Panthers	122
6. Darren Lockyer	Broncos	113
7. Matt Orford	Storms	111
8. Luke Burt	Eels	108
9. Clinton Schifcoske	Raiders	104
10. Stacy Jones	Warriors	97



• Blues tim wantaim wining sil we i winim Maroons 32-10 long laspela Orijin pilai las wik.



Bombers sambai

Paul Zuvani na Timothy Lepa i raitim

EM i klia Agmark Guria nau i tim em narapela ol tim long SP Kap pilai i laik long stopim.

Guria i soim stret long las wik taim ol i go klostu klostu wantaim Monier Broncos long pilai inap long las minit we i lukim Jessie Alunga i kikim wanpela penolti kik we givim ol 20-18 long ful taim long Kokopo, Is Nu Britan.

Na pasin bilong stap isi (peisens) i karim kaikai taim ol i save sapos ol i gat planti tingting dispela inap lukim Broncos i bagarapim ol.

Wantaim amamas na gutpela tingting ol bai lukluk long skruim dispela ron bilong ol taim ol i bungim LBC Bombers long Lae long dispela Sande.

Na kosa Norman Norris bai makim yet wankain tim we i go antap long ol Broncos.

Long go pas long tim em kepten na lok Michael Marum husat bai givim ol oda na lukim ron bilong bal i go i kam namel long ol pilaia bilong em.

Helpim em bai hap bek Jessie Alunga husat i save long wei bilong kik na olsem planti taim em bai bomim bal long hap bilong Bombers.

Wantaim Alunga em insait senta Chris Purkikil. Purkikil i kam gen long pilai bihain long em malolo long kisim bagarap na dispela bai namba tri pilai bilong em bihain long malolo.

Oi narapela husat bai givim bikpela pawa em tupela prop Solbat Lucas na Dusty Mockly. Ful tim em fulbek Menzie Yere, ol winga em Gilbert John na Lik Delly. Ausait senta em Oscar Tonga na faiv eit em James Dummie. Long fowet pek em huka Opisa Pomba, seken rowa Sam Ponda na Ben Paiaki. Oi risev em Junior Polong, Gideon Asimba, Frank Jim na Ben Kakadep.

Tasol long taim Guria i laik sekim Lae LBC Bombers i no laikim guria i kamap long ples bilong ol.

Na olsem kosa Joe Katsir i tok ol i lukim dispela pilai olsem em i "do or die" pilai. Sapos ol i winim Guria dispela i min olsem ol inap stap yet long pilai na sapos ol i tus dispela i min olsem em i pinis bilong ol.

Na sapos kosa i tok olsem Guria i mas was gut long sekim graun. Katsir i tok i tru



• Holim em: Toyota Mioks lok Richard Yallon husat i bin givim hatpela taim long ol Brian Bell Bulldogs long las Sande tasol i pundaun i go daun 18-8 long fultaim bai kamap gen na pilai wantaim Monier Broncos long dispela Sande. Foto: PAUL ZUVANI

tim i bin lus long Lahanis las wik tasol em i tok dispela i trupela lus. Em i lukim dispela i bin pilai bilong ol tasol abrus na Lahanis i kisim win.

Tasol em i tok wanem i bin kamap i kamap pinis na em i no inap lukluk bek long dispela.

Em i tok bikpela pilai nau em long stopim Guria.

"Mi gat bilip long tim bilong mi, maski mipela i bin kisim lus long las wik. Dispela em i no hevi moa. Hevi nau em long stopim Guria. Mi ting ol i kamapim gutpela ol pilai," Katsir i tok.

"Mipela i lukluk tasol long win. Mi ting mipela i ken win," em i tok.

Long pilai bilong dispela Sande Katsir i no bin mekim planti senis long lain ap bilong em.

Wanpela senis tasol em bipo Tony Dai husat bai kisim ples bilong Jude Kogen. Dai bai pilai long prop wantaim Brown Wilby.

Long pilai yet em kepten na huka Lucas Daniel bai go pas. Daniel bai kisim sapot

long hap bek Benson Kelly husat i bipo Guria pilaia we em Kelly i save long wei bilong Guria i save pilai na olsem em bai stopim ol. Wantaim em em faiv eit Randal Kaupa.

Stap long bek lain em ful bek Thomas Kale, winga Peter Kennedy na Jerry Bomai na ol senta Joshua Nablu na Luke Ainui.

Long fowet pek em rowa Jonah Mckay na Titus Mainoi, lok em John Miiba. Oi risev em Solomon Lopena, Jnr Ropra, Nime Kapo na Nishen Yapao.

Oi narapela SP Kap pilai em Monier Broncos bai takol wantaim Toyota Mioks long Pot Mosbi, Brian Bell Bulldogs wna-tim Muruks long Goroka na Coca Cola Lahanis wantaim Chemica Cowboys long Goroka tu.

Bihain long raun 10 ol Guria i go pas wantaim 15 poin we bihain long ol em Bulldog long 14 poin, Broncos 12, Bomebers 11, Lahanis 10, Chemica Cowboys 8, Moiks 6 na ron bihain tru em Muruks long 4 poin.

Sauten Jon winim U-16 Lig

SAUTEN Jon i winim PNG Skulboi Ragbi Futbol Lig sempionsip we i bin kamap long Lae, Morobe provins long wiken.

Tasol Pot Mosbi i kisim planti ples long dispela skwat.

Oi kisim ples bihain long ol i wilwilim Noten Jon 14-2 na Niugini Ailan 24-4 na dro wantaim Hailans 10-10 long dispela namba wan Anda 16 Jon Trail.

Noten Jon i kisim namba tu ples long winim tupela pilai na Hailans i kisim namba tri ples.

Noten Jon i winim Ailan Jon 28-8, Hailans 14-8 na i lus long Sauten 14-2 na Hailans i winim Ailan 4-2. Ailan Jon i lusim olgeta pilai bilong em we long em i lus long Noten 8-28, Hailan 2-4 na Sauten 4-24.

Tari Pori ragbi lig kamap strong

TARI Pori Distrik nau i gat wok long ol Mema bilong Palamen na Gavana bilong provins long ol i sapotim ol yangpela man meri long pilai spot insait long distrik.

Bihain long sampela helpim i kam long ol sios olsem bisop bilong Mendi Daiosis Steven Raiket i bin givim mani long ol i afiliat long PNG Ragbi Futbol Lig nau ol manmeri i lukluk long ol Mema long helpim ol.

Bisop i bin helpim Tari Ragbi Lig long wanem i bin gat planti pait i stap na nau i wok long pinis na olsem wantaim pilai gutpela bisop i save dispela bai holim ol yangpela long ol i no ken mekim trabel na olsem ol bai pas long pilai.

Nau ol yangpela i pilai na olsem ol i tingting bek long ol hevi bilong bipo na olsem ol i no laik go bek long dispela sindaun nogut.

Tari nau i laik senis. Oi yangpela i ting em i taim nau ol i mas soim ol narapela manmeri long kantri olsem ol tu inap long pilai na long mekim ol trabel. Moa yet ol i laik soim olsem ol tu i gutpela manmeri maski sampela taim ol i bin stap long kain hevi bilong pait.

Nau yet ol i amamas long lukim planti gutpela sapot i kam we sapot i kam long sios, long ol polis na long sampela lokel lida.

Bulldogs bai kaikaim Muruks

POT Mosbi Brian Bell Bulldogs i redi long kaikaim Muruks long wanpela bilong tupela SP Kap pilai we bai kamap long Goroka long dispela wiken.

Bulldogs kosa Chris Enara bai makim wankain skwat we i bin wilwilim Mioks 18-8 long las Sande long Pot Mosbi.

Nau yet ol i stap long namba tu ples bihain long Agmark Guria long 14 we lida Guria i gat 15 poin long kompetisen lata poin.

Oi i gat strong bilong difen na atek na ol inap long ronim bal. Oi i nidim tasol gutpela was long bol we ol i no ken lusim we bai givim ol olgeta sans long winim Muruks.

Enara bai kisim faiv eit Stanley Hondina long givim oda insait long pilai.

Wantaim Hondina em hap bek Geno Kima. Kima husat i wok gut wantaim huka Andrew Andiki bai mekim olgeta rot bilong Muruk i pas long ron.

Long laip ap fulbek em Samuel Nap, winga em Joshua Lapa na Abraham Yobale, ol senta em David Keai na Leonard Otma.

Fowet bek em tupela prop Thomas Ninkama na Aaron Mulunga, seken ro Joe Omai na Charlie Wabo na lok em Emmanuel Palma.

Long risev em Andrew Andy, Francis Kominis, Joe Sil na Joe Sipa.

Long sait bilong ol Muruks ol tu i gat strong bilong ron long difen na atek. Tasol hevi i stap long bilip long ol yet.

Oi i mas bilip long ol yet. Oi i no ken ting ol i no save long pilai na olsem ol narapela senta olsem Pot Mosbi, Lae o Rabaul tasol i save long wei bilong pilai.

Moa yet trenna Ignatius Gigmai bai mas givim moa strongpela trening long ol pilaia na olsem ol i no ken lusim bal long hap wei ol i no ken tusim. I min olsem klostu long trai lain bilong ol yet o long trai lain bilong ol Bulldogs.



• Sori tumas... Muruk pilaia i traim long ronawe long Monier Broncos Eki Ene long pastaim pilai bilong ol long Pot Mosbi. Muruk i mas tingting gut taim ol i bungim Brian Bulldogs long Goroka long dispela Sande.



• Brian Bell Bulldogs Thomas Ninkama i redi long brukim Chemica Cowboys difens long raun 9 pilai bilong SP Kap pilai long Pot Mosbi. Dispela wiken Cowboys bai takol wantaim Lahanis long Goroka.

**LAE
BISCUITS CO.**



SPOTS

**LAE
BISCUITS CO.**



STOCK FEED



Kamap Strongpela Kwiktaim



Guria bal traim Lae

**Bombers
i gat inap
strong?**

...painim aut moa long pes 30


• Top SP Kap tim Agmark Guria kepten Michael Marum i mekim wanpela kain stail takoi long Brian Bell Bulldong Andy Andrew we Andrew i lusim bal na hap bek bilong Marum, Jessie Alunga i kisim lus bal long SP Kap raun 8 pilai long Pot Mosbi. Guria bai lukluk long skruim yet dispela gutpela ron bilong em taim em i bungim LBC Bombers long Lae long dispela Sande.



K30 TRADE-IN OFFER BILONG KEROSENE LAMP

Sapos yu gat olupela kerosene lamp na emi no wok o bagarap, noken trom oi! Karim olupela kerosene lamp kam na bai mipela givim yu *K30 discount long niupela Coleman kerosene lamp.

*Yu no nap kisim moni. K30 ol i rausim long prais bilong niupela Coleman 214 o K6 model kerosene lamp.



COLEMAN KEROSENE LAMP SPARE PARTS ISTAP

Brian Bell
Shop with a friend



Wanpela trade in tasol long wanpela niupela Coleman lamp

PROMOSEN BAI KAMAP JULY 4TH NA PINIS AUGUST 12TH, 2005

DISPELA PROMOSEN ISTAP LONG OLGETA BRIAN BELL STOA NA WANWAN DEALER HUSAT I WOKIM DISPELA PROMOSEN.

The publisher of the newspaper is Justin Hansu Kili, MBE of Section 58, Allotment 3, Office 2, Waigani Drive